



廣雁湯山志

六

ル 5
1102
6

六

六



凡五
號 1102
卷 6



廣雁蕩山誌卷十七

藝文 賦二

游雁山賦

國朝 洪若臯 臨海人

瀛海之壖甌越之隩巨靈運斤神嶽聳壘東含温嶠南
挹玉環西薄蕩陰北軼蒼山案閩拱粵抹四明之流霞
接天姥而爛斑隱嶙鬱律吐欲乎百里之間其發蔕也
剗截於巴蜀襄漢控制乎洞庭彭蠡沈沈潏潏趨金陵
渡錢塘逗鴻濛之冲澁戒南服之天關抽地根而挺翠
揭靈境於人寰其遠矚也彷彿巫山之縹緲依稀武夷

之曲折疑似具區之瀕潭恂恍匡廬之激越對若崩崖
怪石懸霄崖堦若怒蛟巨鼇駕紫闕昔有眉州尊者青
仙翁變化負冥精神默通驅虎豹魑魅魍魎蛇龍蔡
螫刺而發之蒙雲踈丑而漠漠雨濛濛而濛濛鳥名
而春歸鴻雁花名村而秋滿芙蓉於以悟去來之皆
贖識塵獄之爲空哈夫永嘉之踔越斬木鑿石列械芒
筇方且運莊九折列館三峻僅僅渡筋竹摘卷葉泛流
溶悵薜蘿之在眼徒握結於蘭芎訝猿啼之已暇嗟泣
露之猶灑千載寂寂於迷迷踰斯嶺者徒流運感慨

於謝公誠棘林之螢燿無當於檇木之燭龍曠覽茲山

之梗概金虎龍崇而首昂天馬蜿蜒而身倭洞胸豁掖

紛四谷之披霞

雁山西南一峯最高相傳爲金星

滌髓幻靈鼓三湫之

時雨千巖萬巘叠毛氄而方翔丹嶺幽盤掉羽翰而驟

拄振撼沉蕩日月冥昏殊姿變狀風雲妖蠱抗九萬之

鵬搏俯江海而挹取揆陽鳥之卑棲增山靈之餘怒毋

怪乎厲岫峭壁魄魄險沫驚濤飛騰譎起或擊石

而跳梁咸仰天而搔拊彼方壺與蓬瀛詎有似夫人間

之林圃瞻重樓之祲麗閱紫極之崔嵬碧霄深靚五雲

葳蕤崢嶸寒廓前曉闕而後瓊臺天帝穆然護護之中
靈黠露露而皚皚天冠之璀璨展雲旗之懸懸象牙
金鼎靈芝陸離丹桂霧靄蓮花天栽香爐晻縹清磬空
來回鸞棲鳳翹翅翻翰遠凌駕乎雲隈何剪刀之郵削
鏤藥杵之玲瓏石鏡如珪而皎潔五星連珠以纍纍蟾
蜍綿藐而月宮之遙開玉女矚其妖冶祭亭亭而獨峙
嫫清風而便嬛卻嬾姍以倚徙盼蒼翠則騰清眸倡谷
音則發皓齒西施掩面比之無色毛嬙障袂未足方儼
於是捲螺吹簫天樂遞起槌鼓逢逢驚樓躍雉伏虎蹲

獅凌碣排岷蓬蒙立戟后羿射墜更有羽客二仙飄飄
架海馬銜摧撞覆船以艤復有巨儒獨秀俄軒冕雜衣
裳侈宴坐匡雅章卓筆以儲托硯而俟奇峰異狀萬巧
畢有今之所云揉石爲斗半七十而三九倍其兩而五

偶

七十二峯今所稱特三十
七峯耳故云三九五偶

錐以海神之鞭重醜之白

五丁之力愚公之肘女媧之所丹腹督郵之所攘揉般
倕王爾之雕鐫白石先生之薪樵亦無從施其斤械而
塗其赭黝詎員嶠之駁駱成雲抑濟東之磊礫能走彼
夫玉帶石琴碧雞金馬劔池虎邱爐峰鐵柱得其一二

無不闡韜詞人之奚囊輻輳皇華之四牡方茲巨麗亦
猶鯨顛之於蠅臂黃鐘之於瓦缶爾其嶺峽之崛起洞
壑之幽潛溪泉之洄洑巖石之踳躐或月登天梯星芒
可摘或蠶宮罽室鬼火陰燃或坑竇騰烟而蜃樓海市
或窮崖發響而虎嘯電鞭或懸鐘設鐸於幽澗之趾或
鋪繡散錦於崇巒之巔乘峻谷之建業叩九閭之茫茫
突卷巖而跟絙倒嵯峨以空橫停窄嶠而遙盼地軸無
依而洋洋雖輕迅與僂狡猶愕眙而迴翔軼焮曉而未
半意恹恹而神忙足盤桓以却倚若顛墜而或攘俯巖

覆之窈窕訝蜩像之颯颯狀閃屍而瞧瞧起戩風而暮
霽陰遮鑽峭窳之紆阻現倒景之芒斜薨雷隆夸而舛
互欒窳穿浚以澁訝排峻嶒而旁出似遊目於天表覩
瑤光之赤赭淥水泛泛層岡峩峩蒼苔沒徑松風鳴葭
招王孫弔青蘿採菡萏憶湘娥嗟逝川之不返懷彼美
於陵阿顧高山之在望悼往哲之已過聊循名以比擬
恐倫類之差訛摩訶合掌惠支之元也劒鋒霹靂實育
之氣也棲真橐籥老莊之概也騰波火焰范蔡之辨也
讀書招賢孔孟之方也散水聽泉隨光之介也紆選物

以程效歷前修之在茲般紛紛其簡積旨九復而十遺
竭摹寫之未逮罄澄心以凝思忽鴻波之騰沸接耳目
而迷離湧泉起波紋會巖石相擊礮礮礮礮若雷霆之
聲聞乎林薄之外像天池翻漢而奔濤似飛廉雲師吸
鼻而膠反異哉昔帝媯臣唐之世洪濤汗漫爲涸爲瘵
長波滄澗萬里無際乃生神禹剗臨崖之阜陸濬龍門
而東注羣山旣略竭涸九州掎拔五嶽之砥屑控引百
川之剩流巉巖兀突沈溶滃鬱而滙成茲山之湫彙雁
湖之溪澗斤石壁而成淵凸神龍之凹窟瀉百仞而霄

懸其邈也皓淋淋焉如白鷺之下翔其邈也滂滂沛沛
浩浩澄澄如素車白馬帷蓋之張其飄飄而紛布河海
生雲翔漠翔沙連氛累霄掩日韜霞長男殷殷少女霏
霏忽凜濤濤而奮竦乍霖霖以潏潏紛林巒而蔽野灑簷
櫺以排扉木垂枝而流蕩鳥濕翼而斜飛其迴旋而蕩
滴小首之鏗崑山之丸秦陵泉迸漢宮簾攢鮫人哭泣
鯨魚睨觀瓊林瑤樹玳瑁玕纍纍熒熒輝川走盤馮
夷剖蚌而炫熠麻姑撒米而瀾灑其變幻也或飄零而
中斷或反接而復聯若左若右若俯若仰沉吟躑躅遠

思長想異態分流藕絲蛛網蛟蛇娉媠不可揣像詎氣
吹之禹步蜿蜒而神行抑青田之舞禽顛棲而倒往其
涵湧而灌注也深潭激而翻波地輪蹶軸雪浪叢花馳
涎跳沫嗶呷誼譁列缺吐火豐隆推車銅丸如斗鐵斧
無柯黑虹劍彩三軍妖魔陽侯礪齒天吳張牙起鈎陳
而整旅攫蚩尤而咤呀夔魑吼而猶狂嘯萬騎騁而靈
鼉搗遊人拍掌雷拊歡樂佐以笙簫侑以琴鐸伯牙調
絃子野吹律磬襄擊懸瓠巴鼓革葛天氏之歌陰康氏
之籥韶護之音武象之戚荆吳鄭衛巴渝宋蔡淮南文

成顛郢於遮結風激楚俳優侏儒狄鞮之倡千人唱萬
人和陰淫案衍遞起疊作鏗鏘續紛耳駭目錯幾不知
樂之爲湫而湫之爲樂兀轉峭而隆巍驚銀河之漾漾
倒大白而懸垂蚴神龍之昂伉滂灑氣而淋漓剖真宰
之元臟渺衆山於萌芽絰斗杓之桁上許靈鵲以遨遊
聽雲雁之映映旁涓濡而霑注飾英英之雲霓崖噴薄
而雪霏靄頤淡而烟迷旣阮盈而谷滿亦礎潤而階澌
夜泔泔以薄旦朝澹澹而日西時列宿之匿景歲太陽
之沈翳準西湫而矩度縮千尺其猶低矜瀑巖之觀止

眷卉木之雄狀撫夸條之後林快虬枝之骯髒擢千尺
而連卷蔭百畝其難量鬱園規而黝儵訝青天之如盎
澤葵依邱荒葛冒徑石帆香茅綠葉翠英金線之草鳳
尾之花冪歷山岳灌叢井坪朱櫻春熟素奈夏成紫梨
秋液楸栗冬榮菖蒲丹蘆一寸九莖黃精延年而却老
龍鬚種化於仙靈植物斯蔚動物斯翔鷓鴣侶味而羣
翥文雉綵羽而輕揚白鷗長尾而來棲翡翠列巢以重
行鳧雛離襪鸛鷖淋瀝金雀嚶嚶爲山樂官錦雞隨日
而進退撫翠羽而自芳悵冶容之多娛赴清流之泱泱

麇父哀鳴獐子長嘯狄鼯猓然飛騰超跳野豕健牙偕
虎鬪噉山羊如鹿六花爛耀玉狸霜降而甘肥人熊木
居而野瞧至其他靈之倬詭物變之夙殊武都菱花長
房之壺西坑白石玉質冰膚松子王喬接閑連隅目一
瞬而百轉室維摩而跣趺嗟千年其如昨馴狎獐之於
菟誰雲屋之天構樹桃實其腴敷羨奇齡之木葉鍊九
轉之丹爐容成石芝茅君赤精輦皇圖於九五嗤祖龍
之皆妄而茂陵之爲誣何雙峰之矍鑠蹴闐闐之馬駒
狀蜿蜒而蝓蝓顧躔步於西翮眩靈棲之蟬蛸憶雙林

之裊豸標二九之金繩罔遺一於千祀曠簷荀之眾香
 杳無靜之妙謔變淮海之微禽駕靈螭其誰嗣叩虛牝
 於坎篔悟繁華於春時晦與朔而循環月幾盈而復毀
 肘魯陽而迴戈停三舍之日晷足躊躇而煩殆希南榮
 之營累染淄塵於表衣脫圭組其若屣羞秋菊以為糧
 啟靈妃之玉齒將安排而去化入寥天而閒竢亂日隆
 嶠崔翠嶠刻峭兮瀟泮泮浪向湧漂兮闢柯刻施莽廣
 濼兮翕赫召霍靈胙蟹兮金泥石檢瑞豐融兮抱璞淵
 塞願封崇兮鷓鴣蹠蹠顧魯門兮條枝迫促抗旻闔兮

蒼駟蹠足銜蘆次

夕唼萍啄藻滌煩志兮避矰遠繳優

閑閑兮揆情絜善

石雁山兮

雁蕩賦

方尚惠 樂清人

甌有逍遙子者爰 於武林西湖主人聞而造焉客曰子
 為誰對曰僕山水 主人也客曰子為山水主人亦知吾
 甌雁山之詳乎三 八曰未也先生累世蜚江固稔知矣
 請問其若何靈秀 石何幽竒願示往時之獨得闡山靈
 之隱蹤開葳蕤之 妙鑰揭今古之鴻濛客曰唯唯夫雁
 山者僻居海濱南通八閩北接赤城西鄰永嘉東連滄

溟蟠踞於萬山之中挺秀乎三越之岑雲霧晝夜而變
隼林木叢錯以韜形是以周王之車轍不至謝公之足
跡罔聞含藏宇宙之秘奚羨嫿嫿之名巖石之詭則蓬
島之所珍焉俛仰之間則心思之俱泯焉爾乃蕩分東
西內外谷傀山以鳥名村以花紀肇自周相傳王子晉
吹笙仙橋
而逮宋漸攘辟以煥美砌花宮而十八峰屹屹以孤起
環翠岫於長空綠清江以赤水行千嶺之崎嶇達四路
之非砥於內則蹊徑紆迴烟村縹緲山田石圃上下繚
繞農帶雲耕樵歌嫋嫋澹乎幽懷忘其朕兆蘭蕙芬菲

嘉木合抱山勢瑰瑰曉岫嵬嵬涌川漱石飛泉界道溪
頭日月紅塵不擾其東則有靈峰居其瑰靈巖極其雄
碧霄在左真濟在後而淨明又介乎其中爾乃層巒紛
峙類物象人礪齒仙掌玉笋石屏橐駝獅子鸚鵡淨瓶
三賢五老玉女娉婷天柱獨秀蹲虎飛鷹蓮花芝草卓
筆凌雲雙鸞舞鳳凰鳴展旗豎將軍迎觀音出千佛生
蟾蜍現藥杵聲鐘鼓列朝陽明有洞則寺有水則亭蓋
以瓌瑋天然達元都而萬方以稱其西則有龍湫羅漢
瞻戴辰於能仁界飛泉於上天重岡疊嶂色若璇璣珊

瑚瑪瑙翡翠琅玕爾乃戲龍紫極棲鳳瓊臺回鸞削玉
華陽石碑常雲瑞鹿宴坐抱兒森森秀拔羅列乖離更
有一帆鬱其特起移步則儼然天柱儵忽又變爲剪刀
光竒獨異易貌孤標嶮嶢瑰瑋造天峇峇於是游者盪
胸决皆魂怳怳以飄颻其上則去天尺五無遠弗屆草
木稀翳鳥棄巨石無虎豹避寒赤日清海溼四山纍纍
睥睨若地目極江海原野褊隘爾乃湖瀦於巒小大維
四緇水玄沚二曜騁駛棲宿雁於天池搖菰葦於風蒞
步錯落於河漢睨萬色之絲絳化工渺以無垠景彰乎

其畫其中則爲神龍窟宅霧宿雲翔四序昏黑出入風
行懸崖噴洩激湍飛揚灑雪飄瀑洶湧砰磅洩洩澗澗
電閃雷轟耀五彩之長虹滯沛蒿乎扶桑觸石穴而返
跳躍紫氣以騰光然風驟人喊怒捲無瀧繼則訇焉以
聲洱焉以形縱匡廬之瀑亦難與之而爭長其旁則竹
樹叢生茂林蔽護風松柏以管絃響楓樟而驟雨條木
鬱鬱以敷榮藤蘿曲曲而密布竭東南之殊材靡不產
而具焉於是熊豹虎彪野豬鹿豺連類而聚猴猿攀揉
巨細千百或飲於川或嘯於樹咸嬉戲而不去其下則

中介馬鞍左限謝公右險丹芳包括鬱岬魄鬼相當積
雨森漫巨浸洗澤汜錦石以成溪瀆燕尾而蔣蔣渚闌
谷而為潭湧石室之温湯於是龍湫分白雨澄梅雨漆
照膽驚鯁鯉不產斑魚盈盈地軸曩屨穿山湧濚或入
筋竹以注海或流白溪而之江爾乃原野高礲民少僧
多有田則耕有圃則茶境勝桃源食類胡麻取黃精於
蕩陰採五加於山窩男無惡業女鮮笄珈熙熙皞皞質
而不華羽人應真來往婆娑雲裝烟駕屐齒頻加徑絕
塵客路篋軒車遊者作歌於上方行者長嘯以何嗟賞

龍鼻於雲中望羅漢而天斜天聰開道松訝初月出安

禪過去珠簾入維摩摹道人之奇句

純陽遊龍鼻水有詩末書回道入

踵詎邠而結跏遣陳覺以示虎摘仙菓而尋數十之仙

家

一僧遊雁蕩偶失道見茅屋數十家皆方士也笑謂僧曰爾亦知游雁蕩乎時冬沍寒桃有實僧摘數枚

懷之方士呼童子奪取其桃斯時也覩羣芳之燦爛雜

僧一過山椒已至天童寺矣

綠樹以穿芽序紅葉於白雲餐沆瀣以朝霞夏沍寒而

積雪冬碧樹以琪花錦雞午鳴而吐錦白鷗映水以雙

飛山樂官相抑而聲揚練金雀羣翔以凝暉音璫璫之

如磬色熠熠以齊輝神鳥靈獸在在相依景若十洲之

異物類崑崙之奇左右前後幽谷邃湄至於四十里而非於外則峭崿高頽多屏障以侷儻還崛吻而並挺續紛千門而萬戶匪可屈指而易盡怪石瑯岫峯嶺巋峩峰與谷內竝也天網潛澍瀝滴涓潤曾潭靈湖瀆滉泐泐水與蕩中等也然峰西以三八著東以六窘由好事者足限而目眵爾乃石梁豁閉雲霞硤彩長歎截薛南閤谷皚北閣仙橋王喬曳履白巖杳渺梅溪記在景陸離以洞心事觸目而駭耳獨是濺川石門波瀾晶漾潛演奔溜瀾瀾瀾澄瀆旋環瀚渙汪噉隱隱磔磔泛濫

森森掛列碣嶺澹泞浩浩漪漪碧綠瀾灩波昊變幻
絕瀲灩漣高王唯汎汎於中流神魚洋洋而掉尾泥大
明於金樞蕩翔陽於杲杲輕波疊以千嶂長天窅以飛
鳥觀者歎其如斯賞心會乎大道若乃東西民稠火接
烟連勻勻原隰上下鱗然民無別業胼胝力田耕者讓
畔路不爭先芙蓉大荆市肆列屢賄遷載道隱展十千
人不詭競騎不停鞭况有故家巨族詩書蟬連簪纓閩
閩瓜瓞綿綿家矜彤管孝友克全蓋臣鴻儒望重青編
顛噩成俗植志貞廉荃不化茅地靈萃焉之數者雖非

勝覽之所尚遊者亦遇之而拳拳爲川嶽之攸鍾寧非
吾人之所傳若能窮覽內外慮滌心恬神氣澹忘耳目
釐然羲皇之風在情志將於此而渺緜融融乎油油乎
詎不迴翔自適御風以遊太元今子之安而未躡目不
及賄徒知南北峰高未識雁山之峭崿而轟天也惟樂
平湖蕩漾鮮覲龍瀑之與靈淵也六橋花柳穠艷爭妍
曷若一百二峰之秀與四谷之萬象駢縣也客言未已
主人輒擎衣肅容謝曰僕聆先生言則西湖之麗信不
若雁蕩之幽且異也相去千里安能執鞭而從事乎客

於是乃授以所著雁山紀遊主人始披一二幅神恂恂
以獨契不禁喟然歎曰美哉備矣情景溢乎詞茲始揚
其義僕雖不敏請事斯記

廣雁蕩山誌卷十七終

廣雁蕩山誌卷十八

藝文 詩一

五言古詩

過雁山

宋 王十朋 樂清人

雁山五經眼茲行尤可觀
 初冬天氣佳雁歸山未寒
 有日照幽谷無雲翳層巒
 入境見常雲振衣登馬鞍
 瀑泉飛玉龍羽旗導翔鸞
 石柱屹天外卓筆書雲端
 靈峰觀石室杖屐穿巒岫
 山禽知我來好音若相歡
 羣峰列春笋丹青狀尤難
 行色愧怱怱更約他時看

雁蕩山

杜

範

黃巖人

東南富山水傑氣鍾雁峰巨靈排巔巔妙力開鴻濛斷
崖據險絕峭壁凌寒空分岑獻萬狀轉盼無一同或疊
如錦纈或鑄如青銅或前如舞鳳或却如飛鴻或狀如
卧虎或矯如遊龍竝如兄語弟差如兒對翁銳如筆脫
穎岐如剪開鋒三湫分大小二靈儼西東古語聊近似
天巧難形容我久埋塵埃幸此拔天風應接費耳目魄
磊羅心胸有僧本儒家伴我追雲蹤攀躋不知勞指引
殊未窮胡然便語別問之以涕從為渠遊興盡生我歸

意濃出計何草草回塗復怱怱遂此未了緣邂逅須有
逢

遊雁山寄懷二弟

翁敏之

樂清人

依棲崇儒里咫尺鳥名山奈以紅塵隔因之舉步艱穿
花曉漏徹何如桑者閑甘載為形役今得拂衣還自酌
龍湫水照映鬢毛斑山靈應請我對之發赧顏題彼雙
脊令飲啄就清灣

送林彥清歸永嘉

元

柯九思

仙居人

雁蕩即銀漢翠湧生高寒芙蓉散秋景飛落秋雲端憶

廣雅山志 卷一
共造絕頂天濶路漫漫遙憶廣寒殿素娥正憑欄白兔
持月魄指顧成神丹因招宋成公吹簫乘紫鸞俯視九
萬里元氣清團團別來知幾時弱水如平灘忽遇雁山
客霞珮青蓮冠還入雁山去玉髓供晨餐報我舊遊者
久待凌烟巒吾思爲有身南望空長嘆

觀龍鼻天柱贈欽上人

李孝光

樂清人

天根盤海底大浪春其南衆山盡萌芽迸出碧玉簪濤
波蝕之半玲瓏兀空龕其陰生玕琪其陽產梗楠絕頂
逼大白纔可一劒函銀河從天來白鳳毛毳毳魚龍撼

不醒醉如卧箔蠶其中黑無底銅杖不可探一綫出山
腹牛乳清而甘清寒漱草木日出香醃醃雲霧忽捲去
玉氣射紫嵐千峰碧菡萏春霞散紅酣或黝如蒼壁或
青如接藍或樹旗杠一或覆鼎足三或扶如怒猊或呀
如洪蛭或如馬奔蹏或如虎視眈聳者如樓觀窺者如
罌甌仰者如箕踞俯者如負擔或螺髻紺目儼雅如瞿
曇或龐眉鮐背偃僂如老聃矯如天女戲卑如童子叅
萬鬼苦斲削天巧未易談招提十八寺過者常稅驂中
有天人師久卧老柏菴法界如塵沙一一毫端含長風

廣雁蕩山詩 卷一
吹遊子鬢髮青鬢鬢幽尋忽至此佳處若已諳我家雁
山頂擇勝不敢貪但悲食糜子腐作書中蟬相逢一大
笑新詩出長歛明朝芙蓉路惟聽霜鐘韻

雁蕩山

明黃淮
永嘉人

端居因沉鬱薄遊暢幽懷雁蕩夙所慕素志今始諧陟
境思已清歷覽萬象該屹如錦屏列粲若青蓮削一柱
擎天起日月相往回羣峰走其下聯絡羅嬰孩誰提并
州剪越羅不可裁誰立趙壁幟勁氣那能推玉女跨雙
鸞昂身紫霞堆邀我縮卓筆灑墨題蒼崖石梁險莫測

飛虹架迴溪側足難徑度佇立空徘徊或云神斧運剡
削搜坤倪或云洪濤湧衝激遺筋骸詭狀欲窮詰妄執
成疑猜龍湫洩嵌竇跳珠散瓊玖飄然隨長風雲霧排
空來詎那清淨觀跣趺據崇臺佛刹十有八廢址滋蒿
萊存者僅六七甲乙次第排能仁據其會金壁輝璇題
鐘梵遠相答緇流互相攜追尋謝公跡陟嶺登崔嵬摩
挲舊碑碣殘缺湮莓苔懷賢發清嘯驚起猿聲哀更欲
尋雁湖肩輿捲攀躋從遊諸君子秀拔皆英才主席二
老禪法相真獅貌欵留動洽旬展席傾尊壘賡和鑑金

石談笑驅風雷懸車絕塵想此樂信悠哉採芝與斲苓
聖訓近可稽維昔李謫仙名與廬山齊覽勝發豪句曠
達真吾儕人生百年內弱草棲纖埃題詩紀歲月重遊
能幾回

雁山夜坐

趙廷松 樂清人

朝搴苑中蘭畏彼霜下歇宵吟謝公詩清歌達明發節
換心屢驚年徂變元髮溪水鳴巖瀨涼風響林樾澗戶
映疎星石梁橫天闕空廬宜留人光景坐超忽美人竟
不來西林照殘月

雁山

方名 樂清人

雁山高插天形勝冠甌越老翠盤崆峒靈籟發湫樾落
日愁棲猓秋空碍飛鶻望望令人憐浩歌石山岫

送葉澄遊雁山還金陵兼呈喬大司馬

顧璘 吳縣人

泛覽名山圖雁蕩天下奇天吳舉蓬島亂擲滄海湄巉
岈老蛟脊佶曲蟠桃枝攢峰蔽青冥星斗晝陸離靈湫
倒銀漢六月飛寒漸仙人隱洞府玉簡靈文垂白石充
餽糧紫芝可療飢鳳笙乍縹緲鶴架時逶迤綠髓苟未

廣雁步虛詞 卷一
變丹梯詎能窺葉子道者流夙稟烟霞姿去年遊武當
未愜心所期今春策短杖直往了無疑天台逢高僧拍
手欣相持遡流問桃源探穴尋仇池俯瞰不測淵仰攀
萬仞危端坐天柱峰要觀日出時扶桑射東影照見蒼
龍髻太湖僅一勺匡廬忽平夷呼酒酬蒼梧鳳鳥來何
遲浩浩浙江濤伍胥今爲誰桃花落已盡芳草含碧滋
啼鴛勸客飲正與烟光宜滿舉白玉斗吞却東南陞坐
覺方寸間雲嶠相撐搢歸來回風亭日光如玻璃瑰磊
作奇畫琳琅吐新辭顛倒雷霆走蒼茫神怪悲十日說

不輟齒頰生涼颺四座煩鬱散聽者俱忘疲靈秘自此
洩海若安能私還拜大司馬請陳賤子詩定知嶢峴勢
縱橫列階墀迢迢金銀闕夢覺如見之謝客休挂席孫
公應解頤何必舉五嶽高下論等差至樂有同好難與
俗子知

北雁步虛詞

鄭善夫

福州人

昔我夢翼飛去與王子親雙雙鸞鳳簫吹破緱山雲翻
身大火坑洗髓明河津岫然馭白鹿下宴瑤池春枉駕
雁蕩陰元冥閉天閤醉掃千丈石萬劫留至文只今靈

唐雁蕩山言 卷一
峰洞元氣猶氤氳悲歌草木偃坐嘯天地聞歸來鏗光
彩大隱金馬門君看東方生至人伏垢氛詎那不了道
一壑空云云

遊雁蕩山

高攀龍 無為州人

昔我愛邱山名勝在夢想去去三十年塵事空鞅掌茲
遊愜始願千里遂獨往望山屢馳騫入谷轉疑恍仰觀
秋瀑飛俯聽潭流響陽崖峙雄突陰洞藏奇敞幽尋碧
澗底遐矚紫霄上春風蕩輕陰百里見開朗丹青未可
圖翰墨誰能髣髴身願止托回音空悵快勝地古今存

浮生餓頃賞安得結茅廬於此日偃仰

自丹芳嶺至能仁寺

何 曰永嘉人

疊嶺疲攀緣逶迤歷幽緬屢憩及層巔遊觀稍忘遠磴
盡險乍窮路仄林初轉碧澗疏寒流風篁媚清淺紫茸
蔚蒲渚芳蕤冒蘭阪深徑已夕霏懸崖猶薄暝迴合敞
精藍中峰抗高館微鐘度遙岑游雲互舒卷列廡休人
徒夕憇聊棲偃夢與幽趣通情隨物慮遣汗漫極茲遊
靈區詎能限

同吳翁晉邵少文自靈峰道中至響巖

廣雅山記 卷一
崇巘積殘雨霽氛翳元陰爽氣協真想惠風寫靈襟羣
峭遞隱見長曦蕩陽林合沓兩厓闢路窅青谿深巖傾
響易發雲篇納虛音嘯侶應嘒狄呼雌答翔禽複嶂鬱
衆籟迴飈薄蕭森高情豈孤賞往跡欣同尋資此足嘉
遜達生多所欽願持乘日直冀獲靜者心一發蘇門嘯
載鼓邱中琴

同似菴禪伯尋淨名寺故址地有水簾谷初月洞
之勝

雙林久寂茂風泉闕靈跡靈跡能娛人屢枉紫烟客開

士邁前征披榛理晨策故術偃崩梁新溪擁危石泠泠
灌木吟灑灑清流激寒蕪立寶幢遺基卧甃甃陵緬旣
以深忘疲亦云適斷峽束長天輕霄覆青壁崖崿限馳
輝光傾景先夕陰洞泄飛泉激潭漱靈液水碧信可舉
瓊蓋紛堪摘心契神已超目盡意難極感往結深情卽
事交欣憾行當復來茲一振東林席

自響巖道中至靈峰洞

停午命籃輿衆木陰修修連山自暎帶迤邐趨平疇側
徑窈深入秀色相蟠糾天虧萬峰影雲爭千澗流歆看

攫文豹神淵駭潛蚪洞腹縮壺嶺雲杪開崑邱捫葛躡
 霧術罅乳風瀏瀏天寶夜闕日金光結飛樓瀑泉夏吹
 霞丹溜湧靈湫窺臨極遐想愉悅聊淹留至樂豈虛假
 冥心寧外求雖非獨往客言忘難為酬願附息陰旨將
 從鸞鶴遊

登雁山

周應治 寧波人

巨靈妙真宰混沌鑿幽標鬱鬱千芙蓉爭先獻奇巧老
 僧踞雲中玉女跨天表詭石紛難名琪樹森且裊緬懷
 王謝蹤遊目縱飛眺振錫躡層巔策杖窮窈窕石門闕

烟林靈峯插縹緲白雁飛不歸蒼虬卧青窅怪哉雙龍
 湫噴沫徹昏曉灑氣包八荒幻跡凌三島趺坐觀元始
 塵世總微渺便當揖浮邱抗身駕天矯

由芙蓉村歷四十九盤抵能仁寺

吳稼登 孝豐人

弱齡覽圖經名山勤夢寐於役非有期茲遊適已遂候
 當朱夏移風挾新暑退樵徑歷荒榛烟林牽密翠修龐
 阻近日連岡引遙睇逶迤互千轉險絕突萬會援蘿豈
 勝陟就石屢成憇仰嶠情更怡俯壑神亦悸篁鳴驟疑
 雨雲結杳如晦殘陽隱叢薄古苔合淨地朱刹構頽圯

閒房入蕪穢誰營塵外觀聊割區中累

度馬鞍嶺探靈巖

懸磴阻參錯峻嶺何連綿連綿不可窮仰陟若攀天草
根結飛霞樹杪溜哀泉俯從烟嵐中藹藹見平阡來奇
信已襲去美惜不延崇構何峭崿列障相迴環巨石峙
千級荒藤蔓百年霞障色雜組旗峰勢孤拳栝柏蔭廣
谷猿狖驚層巔冥搜駭精魂竄入谿訝間先日忽趨暝
惘惘言歸旋

紀遊

陳輝臨海人

雁蕩五峯山未向雁湖宿龍湫五千仞振衣兼濯足捫
蘿陟其巔星辰大如菽深巘寂無人所見皆麋鹿雲外
與白雲當年結茅屋我欲從之遊伊人已空谷

雁蕩山行

飲泉必飲深采山須采僻卓哉雁蕩山羣峰劃天碧尤
憐真濟西巖洞絕游策天地闊不開衆靈所窟宅水或
珠而簾洞或月而魄或爲蟠桃歌或爲石門窄五峰迴
驕驕去天不盈尺怪石儼僧趺猶然面枯壁壽藤粗於
柱倒挂雲中石袒褐碎棘芒崩湍亂溪跡躋攀極峻厓

尻膝遞相易不知精力疲未欲負茲役寄言後來者命此山中屐

雁山

國朝 蔣壇 晉陵人

恍惚入雲路置身霄漢間冥鴻杳無際鳥道絕人攀安得振羽翼飛去旋復還巨靈闢繡谷峭壁儼仙班聽詩傾石叟天女散烟鬟塵襟頓欲洗荆莽力為刪孤鶴凌霞峻雙鳥伴石間東南奇勝處應獨占名山

山行咏遠望多衆容即之無異色句偶就所見易

之

李象坤 樂清人

秋深天意肅旭日初升東羣嶂礙晨暉黝色插晴空久之日光散逐處發矇矓行行翠漸微乃辨樟與楓石土各有質鬱鬱千尺松山隈露茅簷四隩竹蒙茸遠望無異色即之多衆容

乾隆丁未十月二十八日由黃巖至樂清取道雁

蕩山中紀所過九首

朱珪 大興人

輿轎首東甌假道關北宕曉度大荆溪已獲面勢劄陵緬虛筋竹熊魚失兼餉 此路不過筋竹嶺 西行人山幽峰峰鑿天匠闢然老僧巖由旬不可量如何造化巧搏垣肖背

向喟焉思媯媯誰探無上上

竹徑何窈窕洞府藏崆峒俯穿綠雲入仰觀虹梁扛漏
天延虛白滲潤微琤淙三冬龍雷燠九夏跋烏降同游
盡先發宵默空谷登出梁暫眴睐玉筋透映窓發朝勝

已絕獨攬誰能雙

石梁洞同人未游

陟磴百盤益峻嶺猶名謝靈山首懸重奕帝小白霸此
嶺司外鍵重扃闕妖蛇目成萬娥眉心蕩蕩姑射初聞
洞屋竒地肺通天罅努力試攀登中慄危上下彭鏗悔
鑿井退之欲泣華喘噫躋其巔鍊骨吁可化雷滴響沸

羹醒耳美回蔗出門雙玉峰憐我送且逐

行行飯招提餐霞已素飽客誇腰腳輕我嗟筋力老乘
軒豈胎仙芻豢迷瑤草散步鏡墉間線天劃半杲鳴窮
叶黃鐘磬欵答鏗考淹留意何如發興極壺島

靈巖更幽邃羣峰爭開張芙蓉展翠旗鸞鳳交翹翔僧
拜石佝僂叟聽詩鏗鏘竒觀姑舍是走瞰龍身藏蜿蜒
青石虬爪伏於菟僵鼻乳左右注呼吸通天漿噓爲五
色雲灑潤千里疆頗疑無極翁金未鍊玉房憮然三嘆
息我欲叩李莊

靈境只鳥道人力，劉天蹊捉生飛虎脊。鞮鞢加馱馱，欽
寄馬鞍嶺直上不可梯。估偃鱗蛇虺齟齬，角食懸橫巨
作關牡左右羣峰低。及下如縞井仰視，日轂西攀桂難
久留觀霄愧醯雞。

傳聞雁峰池百頃，平如鏡淨淤湖退。塽鰕蛤或潛泳泥
丸萬仞巔，倒吸尾閭淨。又聞大小湫，散瀑垂天負玉蛻。
飲銀河醉舞珠霧，迸帝閭下晶簾搖曳練。幌靚竒蹤未
及觀，翹首心怲怲。

經過憩蕭寺，我友亦已偕。流覽百斛金，檀施皇祐開。古
跡半淪沒，金地空蒿萊。四十九盤峻，百折旋螳蜩。飛錫
羨白足，放鹿慙青鞵。夕陽出嵐翠，遠映芙蓉街。回首大
士峰，突兀高蓮臺。

我非康樂癖，亦遜知章狂。採風遍甌閩，過眼不復詳。衡
嶽瞰雲海，岱頂升扶桑。名山入肺腑，魂夢猶清涼。茲游
喻過駟，仰愧高鴻翔。同行多傑彥，竒險爭頡頏。長歌匹
南山，尤畏千頃黃。鉛山曾孝廉佩蓮侯官鄭孝廉振圖
詩俱佳當塗黃明經鉞用南山詩韻

更健那無見獵喜，刻鵠摹毫芒。

雁蕩紀遊

黃鉞當塗人

萬生局方隅遐矚止園囿神山在海上夢寐誰闡究夙
聞雁宕竒造化未我授路想祥符通鑿矣靈運漏操杖
從勝遊周歲蓄竒觀先期神骨清閉目靈異湊海嶠發
清暉巖壑堆錦繡青排千仞高朱殷萬林透升冢闢重
霏入坎走叢茂有崖盡若牆無山不爲岫臨海路漸辭
永嘉道新就藍輿隨星輅三五簇心嚙浮陽暖春和豐
條擢冬秀行行大荆溪漣淪醉清酎前途忽羣譁林壑
發竒覆耳目失舊規天地騁靈構老僧拱而迎僵立頗
不瘦得毋諾詎那來閱古今宙謝公足未經茲嶺誰刻

鏤蹻跣造其巔那復辨周表始知山靈意以此爲門候
遮留閒峰巒不令烟雲遶陰陽互裏姪拘紱申宮虎倪
首重厓間狹道蛇赴竇泉流瀉琤琤烏下暗激激萬嶺
寂無謹一洗塵雜糅維時山多陰是日晴未晝紋糝奔
乍劈皴細麻始漚羣攢路斷樵孤聳鳴絕狄趾交勢欲
奔奔側立不仆剗刻般倅慙煊染荆關陋大造鍾至靈
孕育示博富有如至咸陽府庫將爭走貪婪誰肯廉看
殺不相宥又如入五都眩眊珍寶售罔知目力勞但乞
腰腳祐險追徂公游狂判野老諾後升賜前降緩緩沈

密楚踐實定心神蹈虛增恟怒因緣飯古剎知新頓忘
蒼蒼黃不敢飽陳迹踏且又靈洞失竒峰陰巖緩窺畜
二者不得兼心兵自相寇得匪蕉鹿迷失可桑榆救循
途復故道急若雛待擊十步作五奔竒功乃膚奏兩峰
竝插雲雙南金不買鳳凰入雞羣五老何邂逅俯登料
足危仰矚先去聲脰就險羞懷夷擊清頓豁脊海水倏
下垂玉柱冰去聲雙溜劃然中開呀綻補待鍼復分寸力
躋攀擁掖勞左右腹皴殼旋羸頂圓冒懸冑褫衣濯汗
流解鞵鼓足臭乃得補斯遊所願竟克副山丁曳輿飛

騰擲學鼉鼉埃能暄無光漫空鱗甲皴神龍罷爲霖厭
棄洧淵鬪萬古攫蒼巖心死雉震雉鼻孔涓滴流那得
四海湊摩挲未移時促去何大驟青旗前載揚玉屏後
擁佑天鞭未肯停孰爲龍婦灸斷碑仙所書糾屈文類
籀題名徧宋元姓字波磔逗就中見沈括講學勤筆耨
委曲狀茲山幽探費訪購通人談微中根據鮮誼講我
昔寫遺書有聞自孩幼竊疑蕩宕文錯出有譌謬說文蕩水
出河內蕩陰宕過也一日洞區區較音義母乃鄙訶館
屋音義迴別當以宕爲是惜無西域書誰問蓮花樞又聞雁宕峰峰峰所相樞若

扶拔獅子特立長百獸巖八峰百二神異邁靈鷲唐暨

五代宋權輿辨先後攀援到康樂觀瀑亦曾留謝公觀瀑詩究

是為匡廬作猶集中兩石門詩輒致舛誤也何異怨耦仇強合為姻媾龍湫

更大觀此領彼實袖得少意自多捨爾竟不狩索然棄

南行遂爾趣比首譬彼忍朝飢釜鈍炊不餽譬彼汲邱

井瓶墮繻不收翻然強自寬筭豈無虛殼不聞山有木

一樵盡歸樵不聞卦呈爻九簪盡符絲萬事留羸餘陽

消戒在姤獲觀二洞奇已非因想蓮底須探海源必欲

泛星宿菜傭乃求多天驥爭戀殿矧茲千里游隨處皆

瓊琇回首憶家居坐井域中雷三反在一隅毋為寸光

狃指途下九盤神虛氣亦懋昏黃望芙蓉巖谷互虞鞣

鋪牀營一飽酒盞疊相侑沸耳尚泉聲飽飢而愈疾卽

今滌腸胃日讀遊仙呪移居就諸謝謝公嶺東多謝姓先遣一

椽儻沈飲石泉香果腹山花嗅詩成行自歌全了或報

酌

雁宕紀遊六十三韻

曾佩蓮鉛山人

晨發從大荆筍輿入烟霧行行老僧巖何年佛頂露兀

然立枯僧項背一一具延緣行漸高徒僕情頗怖麻鞋

蹠脩蛇一磴一躍步我聞康樂公夙結山水慕縑鑿窮
 險幽登陟絕攀附屐齒茲未經嶺名得毋誤面嶺峰狡
 獮摩空不知數洞壑豁豁訝崖岬森糾捩混沌竅雕鑿
 洪濛氣布蕩靈旛滿雲直初地諸天護金碧積暗塵風
 日媚晴樹延眺同孤僧緩步欵石路移時主客會奇險
 述未遇頗疑靈境慳翻令游伴妬有若獲異書投篋棄
 弗顧又如值良朋交臂失不晤僧厨簷蔔香罷食去脫
 免會食淨名寺後至者狀驚轡跡踏陳瞬目觀改故石
 靈峯之奇乃獲補游
 丈迎偃僂仙翻墮雞鶩巖折洞忽開石落勢猶怒往往

壓人頂驚汗浼衣絢石磴曲幾盤虬行悸欲仆中道屢
 憇休層巔闕堂阼靈曜馭不到陰竇泉迸注真成佛淨
 域縹緲慈雲度運斤自神匠蹕足飽險趣奇如搜異珍
 快比愈沉痼捨去及前旌追躡穿芒屨前奇人怵先後
 險趾連屬雲氣肆蕩滴日光遠錯互飛龍何衙衙鬱律
 勢奔赴涓滴從鼻端飛灑作霖霖題名多宋元苔蘚蝕
 字句古人遞烟冷摩挲聊少住五里踰馬鞍石骨佛像
 塑似憫行路艱慈航不能渡陟嶺累棋危下谷入甕懼
 心俯尻益高肌痒舌欲吐夙聞龍湫奇夢落雁宕屢南

行險未窮西下日將暮松門優曇香蘭刺與馬駐窟宅
 祥符通釜孟皇祐鑄更踰嶺屈盤遑矜足馳騫顧盼見
 芙蓉微茫辨村戍田畝區溝塍野列儼碁布履地輕如
 雲霄漢下鶴鷺前路試迴眸詰曲挂帛素竒峰尚隱見
 悸魄稍安措頗疑奧皋區仙靈所棲寓周穆及漢武八
 荒徧鸞輅神鍵靈異闕天根鎖鈕錮何怪山海經掛漏
 不能註游蹤冠平生吟興忘困苦層巒蕩心胸禿管急
 追捕失記八九遺刻畫山靈汗供養宜烟霞兒女畢嫁
 娶意取山林娛謀脫塵世務緇素同嘯歌橡椳足啜哺

此願頗自蓄仙源孰與付半生疲筋力萬事感迤迤鐘
 磬隔上方夢寐發清悟

雁宕紀遊

鄭振圖 侯官人

齋遊過靈山未至先肅拜山僧俛然迎延佇久曝背行
 行謝公嶺木末露衆髻流觀心覺異拾級足屢蹶不知
 幾幽深但見竹與檜谷窮峰突出胎愕呼去聲朋輩禪老
 疾告余無錫朱蓮上有諸天界虎頭無停筇太倉顧雪
 惠休猶緩帶武進湯狷前招立雪翁霞浦游顧我力
 已憊千盤出地底一霎躡雲外迺知巖方中別有須彌

芥誰剖巨靈腹宅此觀自在量初十笏寬坐覺四筵礙
 周阿堆積鐵壁立復垂蓋仙留懸磬廩地獻玲瓏肺當
 時十日出來此足避世上漏功德泉想接星河派嬾
 求一勺治我十年噫同人牛喘息語羨風腋快未及石
 梁遊眾志頗帶介時失遊石梁洞分無終焉計去且攬其槩下
 趨如犇車欲駐驚趾敗謹厖與積沮相視非一態言辭
 靈芝峰前覓精廬淨名寺有僧如驚鹿迎語旁四眎良
 延瀾佳茗盛舉薦精粹伏牛竝騫鷹名號立頗怪招邀
 鐵嶂遊石色黯古黛僕童愛響富放意為警欬老鶴磔

然起山鬼闕走避徘徊去未忍詩叟招我來路紆如脩
 蛇循尾與首會山深如秘府寶器森其內繡屏拂翠旗
 雙鸞屹相對駸駸天柱高上有紫氣靄遐哉面壁公歷
 劫身不壞會當石出語翻水富千偈或云天池龍雄鷲
 不可制上真名夸娥飛峽為柎械至今九九鱗未免長
 薜荔迴頭俯幽壑潸然猶出涕聞言再接厲有勝期必
 濟丈步尺告休衷汗及踝漬聯臂學猿引駢行勿計擠
 側身把龍準取水洗眼翳定知垂老後天燭光無際摹
 巖覽刊刻編逼無巨製須臾登頓蘇回顧有餘悸升輦

村二勝嵩少雙室儼欲過大龍湫頽景嗤射弄鞍嶺石
峇堯雁池水容裔延緣五十盤疲羸閱徒隸胸中富邱
壑放眼覓所配南北萬里塗東嶽形久佩圖於庚子
二月登岱謁
來得佳處眾馬覺無害何須學郭文已足傲謝大但作
如是觀尻輪倏週屆經塗發清謳矯首八荒隘

將由温州至台州過雁蕩山前一日宿芙蓉村

阮元儀徵人

一行分兩戒其南極雁蕩重壓沙海頭險扼東甌吮永
嘉山水滋康樂尤清放度嶺惟斤竹綠溪阻脩嶂天地

惜靈秀不易使人劫及其終難秘疏鑿任靈匠已勒大
通碑更示詎那相坡公游山分去聲生平頗自仗惟以詩
酬圖未足供跌宕龍湫百二峰吾耳久知狀竊疑形容
者奇幻言或妄今年渡甌江温台落掌上瑤嶺據海濞
風潮午初漲篔簹石梁足底走鹹浪晚程猶未歇茲
山已入望情隨嵐氣清心與飛雲壯且投村屋宿行李
聊摒擋吾徒侈清游一飯若轉餉損之又損之力勞已
莫償惟願明朝晴風谷動清曠同行若歸雁斜向峰頭
掠懸知今夜夢先愛山靈貺

曉過四十九盤嶺至能仁寺

曉程將何之四十九盤嶺嶺高盤愈仄曲折緣脩縵肩
輿未及上相顧色已驚屢緬感回綫心性息尤屏平生
磊落懷到此不敢騁既登丹嶂高坐見海天永白雪逼
潮聲初陽生樹影越嶺下西谷倏忽闕靈境奇變出恒
情震蕩不自省行行至招提幽籟泛虛靜中慄既已平
嵐重衣裳冷

曉發芙蓉村

端木國瑚青田人


飛翠失空山游夢兀然醒人語夜堂深簾白燈猶爛寒
煖戒衣裝共取芙蓉徑綠樹脫蒼烟遠媚溪光靜鳩啼
雨後聲山認雲邊影村引綠陰山壑度香風永雁峰落
何處四十九盤嶺

由芙蓉村歷四十九盤抵能仁寺

曾熙永嘉人

一宿芙蓉村繡谷晚如織游夢落空山飄舉何氣力山
禽曉來啼招我如相識靈境無恒蹊到眼郎秀特林密
路乍通峰迴徑似塞澹雲蕩天風修嶺路旁崩陡轉礙
崖昂紆折出荆棘既躡七七盤高與蔚藍通蓬瀛渺何
許茫茫辨海色摘勝心甫怡屢險神反惑誰人打暮鐘

廣雁蕩山誌卷十九
頽陽西嶺落花宮蔽蒼靄此是靈泉香國坐偈空諸緣一
魚佛火照



廣雁蕩山誌卷十九

藝文 詩一

七言古詩

雁蕩山

唐
釋惟一

四海名山皆過目就中此景難圖錄巖前逢箇白頭翁
自道一生看不足

雁蕩吟送秦文學還吳

元
陳德永
黃巖人

雁之蕩兮乃在甌越之野瀛海之堦有萬齒蒼鏡青天
東南形勝此其最我嘗著屐周覽於其間厥初宰物孕

雁雁山記 卷十九
雄怪元氣混沌何由穿巨靈運斤鑿鬼竅列缺吐火施
神鞭遂令後爾萬萬古見此錯愕難爲言上疑日車解
轡傾側過下恐地軸撓動相鈎牽昨夢尋君拂烟去有
擁芝蓋導我前崩崖旁豁瞰空洞迴溪不定行蜿蜒狂
雷砰訇起何處白龍噴薄飛層巔熊蹲豹擲若怒若啼
霞明霧湧倏閉倏開重重掩掩變幻不可以極今我方
矯首睨立乎雲梯南望海水不滿杯灣環下繞山足來
仰攀玉女駕笑踏飛鸞低羣仙集倒影雜佩中徘徊聳
身直上浩無際海月正掛吹簫臺於焉得深悟扶桑驚

天雞蘧蘧驚覺在枕席但聞落葉如雨風淒淒君來謝
我欲西邁惜此不及窮扶攜我知君身有靈氣世上塵
土胡能迷推仁澤物本我事成功斂退真奇哉碧桃花
發俟君到勿使引領雙眉摧

雁蕩高爲蒲溪修橋作廟道人賦

明章

綸樂清

雁蕩高哉凌霄漢兮上聳層巒疊嶂千峰萬壑崔巍萃
律之重山下流淵泉支派長溪曲澗溢溢泛漲之狂瀾
衆水合流兮汧汧滙山口推開兩崖兮對距石關門中
涵大潭深莫測淵如碧海盈兩間時有神龍出沒兮蜿

廣雁山詩 卷十九
二
蜿蜒潭底早歲行雲施雨布澤沾人寰潭水下流汪洋
兮廣蒲溪之崖岸奔湍走石通海兮盪水漲之長灘吁
嗟行人兮南來北往温台路經蒲溪兮何其難或厲揭
病涉兮沒溺長吁嘆或偃僂提攜兮驚恐愁改顏美哉
道人作廬居此側造橋創宇任往還遙見杠梁長虹駕
滄海兮行人履垣輕且儼又見虛堂靜院仙洞之桃源
兮若赴居室清且閒美哉道人兮菴居此地永久濟人
利物念民艱噫吁嘻世有在位君子推此心兮能使政
平訟理散財發粟不患不得蘇憚鰥

和沈憲副遊雁山韻

黃采 永嘉人

名山秀拔何穹然呈奇獻異滄海邊朶朶青削芙蓉妍
雙鸞颯沓挾飛仙玉女相從下九天赤城闔海遙相連
神僧西來欲扣禪銀河倒瀉落奔川詎那宴坐支兩肩
繡旗高張堅壁前鼇柱聳立凌長烟歸龍洞口垂腥涎
手提卓筆揮彩箋石屏醉寫紫霞篇佳句驚人遠近傳
敏捷獨數烏臺賢恨不追遊爲執鞭海天雲樹徒聯蟬
嗟予性僻耽林泉拂袂何當車早懸飄然往買數頃田
看山把酒終餘年

憶遊雁山

朱諫樂清人

三月採茶天未熱曾向雁湖山頂歇老樹玲瓏隔斷橋
石崖翠律排天末靈湫一派自天來時趁長風吹作雪
風消水落似銀河日射飛虹吐還滅人間勝地雖有之
獨此東南號奇絕野老膏肓肺腑中切莫猖狂向人說

雁村行樂歌次蕩南韻

章元梅樂清人

芙蓉東村雁山下村中到山不一舍山人愛山結書巢
鑿屋懸崖牢構架千峰老人巾墊角醉眼驚看青黛落
尊開羨君古北海履穿笑我今東郭十年湖海霜復星

迷途不返空浮名歸來一見真隱處世上萬事鴻毛輕

雁蕩篇和許松臯韻

黃綰黃巖人

南條旣窮轉而東山水秀異爭巖從中有雁蕩最奇絕
盤桓百里皆昭融山根拔地三千七百丈穹湖隱漫不
知何代曾沉鐘蒹葭楊柳似非世間物但見鴻雁翩翩
飛來同我昔經觀猶記憶軒身直上倒看滄海華夷空
方壺倏閃萬狀瓊瓏或踞虎豹或蹲熊熊中天屹屹銅
柱出揚旗攢戟抗青雲而上攻忽漫丹臺掩映樹霞嶂
珠簾垂地聲淙淙雄風撼谷散作霧靄隨飛龍真元秘

惜三萬載詎那卓錫發其藏兮至今樓閣憑蒼宮梵宮
十八騶復明四谷瑰詭浮烟容曲池湛綠水錦溪奔黃
狻天橋駕飛絕寒坑極幽雄石門中斷湖霧起下有
井混然皆神工方巖遙望羣山藜玉環跨海不可通南
溪仙亭遠相接括蒼迤邐何當窮我曾令夸娥負山半
夜聲隆隆須臾險怪會几席不須緣藤胼足冥然坐我
恬而冲澡垢入温泉平生畢深衷洞前願築一畝宮雲
霞不偶世簞瓢我將終矯首山水與之化誰猶議擬椎
鑿非人功君不見天地初判水火風大浸混沌崑崙崇
中古冰始消此山截臬原在風水蕩激中

遊雁蕩山歌天柱峰月下作

侯一元 樂清人

尚平逸思乘春發星飯盤迴度林樾行攀霧雨不辭勞
到惜烟霞坐沉沒枕上愁吟聲正悲冷然坐覺天風吹
淨掃青天放紅日山靈一夕開雲涯初沿石瀨厲清淺
更訪雲臺陟高巖釐簾蟲書手自摸蒼崖黃絹心能辨
春遊爛漫散晴暉海鳥江猿共息機祇從雲外遊籃輦
忽向山前逢白衣白衣山人孔文舉屠君亦是青霞侶
鐵笛相攜吹洞雲玉杯竝坐分仙乳山路俄驚白雨霏

天邊遙指玉龍飛，牛渚千尋懸組練。灑淵萬斛瀉珠璣，
輕吹巖霧縈風色。寒舞天花凜雪威，可是天孫落機杼。
剪刀擲立何崔嵬，崔嵬截嶽連天起。復道撐天有天柱，
屏風千疊張錦霞。側翫雙鸞扶玉女，樹杪初窺欣一笑。
到來却立祗狂叫，已訝高雲礙不飛。更堪夜月孤相照，
爾時山頭欲二更。禪堂吐月寒飈生，灑氣空濛灌絕頂。
明星迫窄愁孤撐，澗戶時時猿一嘯。春風澹澹鴻蜚鳴，
山人杯斝羅前庭。舉頭仰視天宇清，中天一道破深碧。
影入虛無連紫冥，吾聞八柱撐青天。共皇一怒天柱并，

穹厓剝落赴東海，獨留此柱支天傾。卓筆書空何崢嶸，
展旗上獵蚩尤精。雲間乍歇彭鏗杖，月下遙聞子晉笙。
嗟我馳驅走京洛，牛生蹤跡違蓬瀛。鏡裡行看元鬢改，
巖間空對紫芝榮。何時拂衣解印組，鑑湖一曲隨漁父。
古洞黃精帶雪鋤，春澗龍團煮月煮。舉觴問月月不留，
古來才傑多愁尤。謝公蠟屐苦不透，千載榮華成古邱。
男兒遊當千仞天，柱峰濯當萬里雙。龍湫安能趁起偃，
僂向高貴蝨穉穉。虬生煩憂

同鄭崑巖中丞憩靈巖周覽諸勝中丞約予築室

上方醉後放歌

何 曰 永嘉人

萬山黛色橫高空一磴潛與風雲通
 迥風躡雲窮窈窕 昆邱羣玉袖玲瓏
 混沌初開元氣裂想見雕鏤愁化工
 雙闕瑤臺闕紫府芝蓋桂於明翠羽
 星海真源接雁湖 絳河練色低天柱
 丹障寒蒸太始霞石屏晴噴靈湫雨
 玉女烟青十二鬟彩雲欲駐雙鸞舞
 蟾蜍不敢薄陰精 殘夜天窓日初吐
 蒼龍天矯驕未醒玉乳鼻端吹栩栩
 鄭夫子丹邱生谷口君為子真後
 琅函舊注安期名手 翳綠芙蓉飄飄
 遶紫清我亦鞭龍出巖扃天台委羽但

咫尺杯中一綫搖滄溟對博山
 隅行六箸殘棋石上窺 明星帝之弄臣
 玩人世夕憇棗館晨椒庭安能隨齷齪
 啄腐而吞腥君言上方足靈氣攬結清暉
 還此地看君 姓氏早登宸以我風神應
 度世玉笥虛藏五嶽圖名山 坐挾千秋闕
 金壺七返飛黃芽琴心三疊朝東華閒從
 瓊畛種瑤草醉向天壇眠落花君不見青蓮
 居士李太白司馬子微相賞識逍遙為賦大
 鵬篇揮手青天游八極

雁蕩山歌贈項叔定

廣府漢山詩卷一
東維之東大海傍萬山簇簇如驅羊氣奔勢蹙忽騰驤
激而上干嚙穹蒼下蟠水國龍所堂撼波簸濤吹滂洋
洗滌土膏氣寒滄神掌鬼工剖元黃廉隅圭角森以張
屏展障銳切星芒雲譎霞詭爛天章陰洞陽崖偃虹梁
烏巢燕龕綴蜂房雁湖初日浴扶桑龍湫濺瀑輸銀潢
厥木松桂梗楠樟厥草蒲朮芝芋薑近閱百齡遠千霜
緣巖絡谷冬芬芳吾聞五嶽奠五方德配四瀆秩侯王
五嶽之外莫註詳茲山獨立當大荒譬彼介士潛幽鄉
飢擷瑶粃渴瓊漿域中釋戀薄羶薌眼中之人叔子當

金光引年宜壽昌被褐懷寶符采彰蘭佩蕙帶薜荔裳
風髯雪貌冰玉腸鼓腹行歌慕軒唐音出金石清琅琅
與君慶育山之陽撰杖逍遙頻聚糧元熊赤豹駕兩襄
紫鸞黃鶴相翱翔書成托之藁萃藏繆谷有時發幽光
百年一瞬未渠央兀與大椿絜靈長我言非誇亦非狂
君其問之漆園莊

楊龍友遊台雁還却贈

蔡如蘅人

溟濛一夜風雷吼電光閃爍星河走驅使五丁下宮闕
鞭策六鼇出海口楊君愚類愚公愚移將雁蕩問長途

廣雅山詩 卷一
猶怪嶙峋費收拾鑿成片片付奚奴奚奴之囊大於斗
雙鸞瑞鹿無不有玉女思上載花船老僧欲醉天涯酒
烟深草濕長莓苔霞城秋色自西來百尺喬松千丈瀑
更藏餘力摧天台鍾阜落孤雨幽人今日還傾囊坐我
茗爐間高堂層疊吐空山不見斑痕留鬼斧但聞石梁
之水鳴潺潺

華壇望雁蕩山歌贈方十八未生朱十八振嘉

國朝 朱彝尊 秀水人

我昔逢羽人迢迢歷滄海貽我神山雁蕩圖玉笈金箱

至今在夢想忘歸亭上遊琪花瑤草幾千秋崩流一萬
丈濯足大龍湫邇來作客荒山道欲往層崖事幽討方
君遇我顏色親朱子更覺人情好攬環結珮山澤間樂
酒今夕須歡顏登華壇之絕頂眺雁蕩之迴巒雲容容
兮欲雨水嘈嘈兮下山遙岑出沒不可以悉數但見哀
禽離獸日冥而俱還君不見宗少文當年意與真軼羣
名山卧遊不得見眼前圖畫空紛紛君不見謝康樂跡
近名山遠城郭咫尺丹梯竟未登江南江北徒邱壑我
今得偕二子從遙看一百二高峰彈琴坐待天邊月攜

廣雅山記 卷一
九
手同行石上松荆榛極天路叅錯惆悵平生遠遊諾安
得仙人相贈九節筇招爾雲中兩黃鶴

甲戌閏夏道經雁蕩晤指南上人以雁蕩山誌序
請予校士未暇應成詩四十韻錄留一粲

雷 鉉 寧化人

此行未到天台遊道經雁蕩豁雙眸隔宿黯黯陰雨至
月影半出雲偏稠凌晨衝風插霧入石梁古洞氣焯焯
南閣北閣渺無際老僧拜石類雪零賈勇直登謝公嶺
東海旭日升紅毬四山濛氣頃刻散陰闔陽開神力周

同人躋勝齊把臂遇雨忽晴喜且謳曲盤躡跡靈峰洞
石泉冷沁夏疑秋峭骨森羅千萬狀竒竒怪怪造物哀
或如檣笏端拱立或如委佩繁稽謀或如比肩標競爽
或如同類相追求或如美人擁高髻或如壯士著兜鍪
或如虎嘯如豹隱或如介馬如喘牛或如靈芝與玉筍
或如筆卓與旗旂十里五里易一境石屏鐵障稱雄道
山僧指點龍鼻水一噓一吸滴無休攀崖陟磴脚力困
馬鞍峰峻與天侔自上下下險且枕喘息莫定心悵惆
牽連如猿到平地輿從疲憊問歸不忽來指南有妙相

能仁寺僧 蛇蟪導引大龍湫多不計路險易策杖度
名指南 礧肯遲留懸巖絕壑不知數叫絕千古此為尤瀑布瀉
下五千尺變化無端莫訊由空中懸散疎或密橫斜曲
直曼琳球聚者滾滾如匹帛散者絲絲如垂旒疎如湘
簾密如織直如釣線曲如鈎橫者隨風分左右斜者紛
披任所投近之霏霏如小雨遠望潏潏如烟浮呼吸感
應更奇處羣聲一喊輒湧流或云突過匡廬水豈特名
勝壓東甌東西各分內外谷馬鞍一峽為中抽奇峰古
蹟難遍歷大概且付奚囊收昔者同安陳將軍翩翩纓

帶而輕裘力搜雁蕩覓靈異靈峯雁蕩二大字古跡陳公別蘇出之建有靈異亭
芒屨直上雁峰頭日色澄霽天尺五下有雷雨鬪蛟蚪
南顧閭粵在几席北參泰岱頰埵邱東控滄海西川陝
俯視一氣凌方州際此劃然一長嘯天穹為廬地為舟
遥遥我向山靈約端的此願何時酬

遊雁蕩山

侯靖堂邑人

地維南缺滄桑改崑崙砥柱失光彩誰奪仙窟留人間
不隨三山東滄海絕羨山靈善包羅盡縮壺天入嵯峨
我來欲覓偷桃客神物不敢相馮訶就中一境開佛土

層層山詩 卷十九
環以清都羣玉府聽溜如聞毛女琴碣澗疑搗馮夷鼓
便拍洪崖挹浮邱松篁深護九重樓欲尋琅函不知處
空嗟芝房路阻修見說仙壇臨丹井銀屏瑤柱相向冷
留將世外閒風月付與猿鶴爲管領誤入層城岫屈盤
瞭臺四望戈戟寒不有雲車迴絳闕連峰占盡綠疇寬
徑碾玉沙弄瑤草曲竇斜通巖陰杳搖空電影透玲瓏
餐霞客踪穿窈窕最是化工費鋪張東谷西谷兩分疆
不假鴻溝劃楚漢卻憑媧煉割陰陽馬鞍陡出諸天外
恍疑隔絕兜羅界輿夫側足猿猱行懸崖飛度魚鳥怪

仙源剪斷半嶺烟路徑籐梢棘刺間雙練垂虹來何許
錯疑銀河落九天乃知境絕轉奇幻倏忽俄作蜃市看
地隘渠流環螺殼峽窮井絡通雲棧天爲詎羅存精舍
石花叢碧光相射鳥唱來酬梵唄風泉鳴虛應昏鐘夜
我聞丹芳近芙蓉隔斷紅塵千萬重定有巨靈司鎖鑰
山深不用丸泥封

雁蕩行

崔應階

三楚人

嘗聞天地靈異生雁蕩奇峰峭壁紛相向我生幼卽歷
東甌弱齡已切高山仰不道而今六十年越山閩海歸

於掌戊子之秋時和豐政暇結伴來追賞登山涉海幾
千重甌江飛渡心何爽初過平陽亦有峰南雁難同北
雁傲輕輿直到小芙蓉丹芳嶺已遙相望四十九盤到
上頭羣峰卓立雲磨盪西望外谷五招提石門凌雲霧
雨漾寶冠烟迷大覺荒空存古墟無龍象下過內谷度
行春能仁古刹何高敞烟氣猶薰火焰峰誰遺三昧燒
屏嶂循溪合掌拜觀音一瓣青蓮矗天上瑞鹿峰橫對
寺門千佛巖成千佛像依崖傍水入龍湫疋練乘空一
千丈隨風飛灑雪珠圓有時怒吼銀河漲問源上是白

雲菴更有懸流天際滾回看側有剪刀峰削立千尋無
依傍剪得天花到處飛滿林紅紫隨風颺峻嶒嶺外誦
經巖飛來羅漢藏蓁莽普明天柱與華巖未能一一窮
其往拄杖東行上石城曲磴盤空馬蹄響行人揮汗陟
其巔石梁誰鑿梯痕狀我馬瘡矣我僕痛老夫鷓立方
無恙遙看隔嶺有飛泉觀音髻挽雲峰上下經東谷更
幽竒靈巖且就僧厨餉豪興還將餘勇留攀崖又到小
龍湫雙鸞如髻罷梳洗玉女珠簾不上鉤閒着冰絲倩
誰織鮫人貪弄水晶毬半壁彩分霞嶂色一彎翠擁石

屏秋別有孤峰號天柱拔地凌霄孰與儔誰化老僧向
巖拜頑石何曾解點頭再入僻徑更窮劣十步五步恒
思休牽藤摩壁窮力上碧天一線峽間浮怒龍倒掛如
吸水鼻中滴滴懸珠流石鱗苔甲欲飛動但聞寒谷風
颼颼熱腸到此如冰冷塵襟滌淨煩囂收還尋舊路探
前勝一抹斜陽山更幽鐘聲隱隱來何處卧峰橫起如
伏牛問訊知爲淨名寺老僧接待情殊周放下蒲團飽
僧飯繞寺還從鐵嶂遊聽詩石叟只枯立雲際無人與
唱酬沿溪更探維摩洞天光雲影空悠悠偶然爆竹震

林谷號啣叫跳奔猿猴妙蓮花上月華滿酣眠禪榻他
無求夢回不覺東方白又整芒鞋尋壑邱輿人指畫雲
峰好如簪如笏難窮搜東谷峰巒觀止矣獨遺真濟真
無由振策又過謝公嶺靈運無緣輸一籌逾嶺便出東
外谷老僧巖畔候鳴騶不向石梁遊古洞雙峰空鎖暮
雲愁歸來促筆記遊歷香吏翻成俗吏羞

雁宕行

陳夢說

河東人

雁宕之山天下奇雁宕之奇天下知粵從載記艷絕勝
我來越中路多岐行役兩甌海濱地積雨初晴暮春時

遙指崇隆在天表相將朋輩共連騎從容馳入西南谷
四圍青山一流目南山之北起高峰一石孤立當林麓
天工莊嚴此彌陀半坐半跪科頭禿呼曰老僧肖其形
羣峰三五此獨獨謝公嶺上稍徘徊對面驚見兩峰開
左徑右溪紆曲入疊障削壁小蓬萊一峰插天幾千仞
劈破深巖亦幻哉內外珠簾光映日百股懸泉滾滾來
泉題洗心何人洗洞名靈峰真崔嵬迤邐西去有異址
石屋傍巖淨名是高低巒與起畫圖竹樹蔽徑澗水
籬下雜值半奇古僧言止在此山裡問以何名語喃喃

越語不入晉人耳肩輿西去尋靈巖鬱鬱蒼蒼滿松杉
鳥道崎嶇不可上相憑僕從共扶摻靈巖古剎絕壁下
絕壁凌霄勢若鏡斜起孤峰亦千仞渾成鐵鑄嘆不凡
天柱峰高俯羣石如劔如筆如檣帆攢拱林立各削直
峻拔奇特驚天曉步入曲徑通幽處噓噓喘汗透重衫
竚立仰視靈巖洞孤峰入雲何隆嵒環洞樟楓盡婆娑
石磴蹒跚心懵懵虎蹲石偃龍爪垂一滴潺潺出石孔
龍鼻一滴洗目明勺水試之羣大啐座中不信笑者誰
幕客繆君試縣董靈峰顛顛落明珠靈巖百丈滴一禾

龍湫瀑布有大觀梯雲西上踰馬鞍谷外左旋三五里
山谿傾仄水激湍剪刀展旗峰爭秀高巖橫空峙雲端
瀑布噴出千尺練天外銀河倒掛寒如雪如雲如驟雨
忽左忽右風中看灑浸衣裾飄餘潤朋儕相視各驚嘆
西湖天台難比數貯目不盡幾盤桓返經能仁七七嶺
芙蓉各村授館餐挑盡殘燈記雁宕筆疎語澁愧高唱
同人視吾志遊篇不是人間是天上

遊雁蕩

張顯謨
永嘉人

巨靈一怒扶氣母元精紛綸蕩真魄劃然神斧落天門
百二竒峰向空擲擲空飛下東海東插地朶朶青芙蓉
剩石亂蒐蹲虎豹奔泉難縛生蛟龍高標日月時礙行
天柱不愁東南傾紆迴瓊海三千島縹緲瑤京十二城
峰峰異形怪莫狀真宰不惜露心匠始信一生看不足
縱云五嶽尊弗讓君不見子房年少遇黃石功成一舉
餐赤松吾生十八無竒遇行春橋上覓仙踪又不見季
真歸來乞鑑湖鑑湖一曲泛清波願勅雁蕩爲家山日
日溪頭踏綠莎

題雁蕩山圖寄元圃叔父

項宗蔡
仁和人

雁山瀕海峰際天千朵萬朵芙蓉連長風吹月度烟海
一片直挂層峰巔峰巔雁湖浸十里下有萬古蛟龍淵
東南竒秀有如此何人紙上驅雲烟温台舊落坡老手
遠烟空翠紛眼前至今圖牒補前志令人目斷滄溟邊
吾家叔父無一錢樂清官舍冷二年書來不嘆飯不足
但喜地僻能安便我今跼步守鄉土佳處豈乏湖山緣
題詩忽發遠遊興幾時可辦青行纏

題李潔溪雁山三十六景詩後

余國鼎

瑞安人

吾甌名勝首雁蕩百二竒峰皆倣儻鑿開混沌鏤化工
奧境靈區恣遊賞先生豪放今謫仙杖策登臨憶往年
天台洛君東道主把臂彌月相留連酒酣卽景逸興發
揮毫潑墨掃雲烟層巒晴對雙飛瀑邃谷秋窺一綫天
當時風日正重九羅漢飛來欲招手清嘯一聲碧落開
雙鸞起舞獅子吼行尋二仙與談詩巖前忽遇聽詩叟
洞懸初月照珠簾旗展高崖拂松牖一磴穿空見雁飛
石門潭水遠澄澄仙人橋畔雲隨屐玉女峰前翠滴衣
更上重樓俯秘閣觀音峰高蓮花落淨瓶傾作梅雨聲
響玉琤琤動巖壑行過星橋度石梁錦溪步步足徜徉

回頭笑把老僧臂抱石不起雲茫茫雙筭嶙峋高百尺
 雪風洞口水簾白天冠轟漢勢峩峩剪刀裁出秋雲碧
 驪龍夜宿頷含珠鼻端噴乳灑烟蕪隱隱雷巖聲相答
 若為騷客助酣呼山靈更與如椽筆天然秀卓一峰孤
 洛生意氣亦洒脫有酒還應傾百壺貽我新詩三十六
 燦爛珠璣光滿幅靈峯突兀恍飛來一一遊蹤如在目
 嗟余扃戶長蒿蓬落拓半生空碌碌名山佳勝昔曾聞
 詩句瑰奇今始讀一回讀罷一神馳勝景從茲入夢思
 何日掛帆攜屐去山之巔分水之湄

靈巖寺小憩觀西內谷諸峰及小龍湫龍鼻水用

唐人陸渾山火詩韻

阮元儀徵人

靈巖真氣常渾渾莫測其巔窮其源惟天敢壓海敢吞
 安禪洞口雲舉軒如岱封中柴煙燔覆鐘撞恐驚九原
 萬鈞銑隧載厚坤霞屏連嶂丹無垠東曉魏闕環高垣
 響巖互答聲在門虧蔽高春藏朝暎石室破漏啼清猿
 白雨潭暖泳小龍上方禪殿銘翔鷗拾級汗出勞于奔
 挈瓶荷錫神朗尊太平興國開祇園廣巖興廢碑石繁
 我來宴坐息衆喧水樂松吹調箎埴游心自動慚風幡

騎從直誚花下禪以水盥手石坐臂還顧險塞臨轆轤
帶圍廓落若脫鞬衆賓健足皆辭轡展旗峰濶飛雲紉
溫泉水熱雞燂膳雙鸞西棲爭鷲屯玉女櫛頭無洗盆
小龍湫瀉傾天罇丹墉翠壁流言言劍鋒水激向上翻
衝擊石案誰能反天柱千仞日難暖不及見末徒見根
一比衆碣皆兒孫老僧跣石屈膝跟獨秀不受攀附恩
眼前惜無酈道元金藏玉簡雜選援山經細與鼉精論
更有石龍謫九天蜿蜒夾入蒼山痕緣洞上見驚心魂
鼻涕一尺如言寃奇想妙契心存存口飽志饜忘朝餐

遊嶽不待畢嫁婚况禽與向吾友昆矍然豹擲而龍躡
翩然風舉而雲騫足繭踵決不敢怨一邱一壑亮遂鯤
但不能帶玉崑崙陽鳥飛戀景易昏幽谷莫遣松明焚
谷口候者實已煩臨行石壁三回捫

將之雁蕩前一日宿芙蓉村

李鑾宣

靜樂人

村以花名山以鳥名西方世尊說半偈至今震旦蓮花
生泉聲琮琤逗疎雨石骨道峭撐秋坪人家三五晚煙
起叱犢歸趁茅檐晴竭來此間日已暮且投村舍支茶
鐺詰朝襍被入山去山靈招手應相迎

廣雁蕩山誌卷十九終

廣雁蕩山誌卷二十

藝文 詩三

五言律詩

憶遊雁山

宋呂夷簡壽州人

往年遊海嶠上徹最高層雲外疑無路山中忽見僧虎
蹲臨澗石猿掛半巖藤何日拋龜紐孤峰卜再登

題郭希呂劉詠道雁蕩詩後

葉適永嘉人

隱劉甘隱淪老郭亦離羣自鎖魚亭月同穿雁蕩雲排
峰造龍質懸水迸簾紋百種聚奇怪從君句裡分

遊雁蕩

康惇人

不怕石頭滑來為雁蕩行平生夢不到今日眼逾明未
歷千峰秀先逢一段清遍觀從此始着脚履崢嶸

贈約老

趙師秀人

一徑入深竹數楹臨古溝更無人共往極喜客來遊白
髮長垂項新茶綠滿甌自言門外路皆是老僧修

巖居僧

開扉坐石層盡日少人登一鳥過寒木數花搖翠藤茗
煎冰下水香炷佛前燈我亦逃名者何因似此僧

贈東庵約老

翁卷人

聞今年八十退院久清閒白雪髭慵剃青松戶早關取
泉來煮茗與客話遊山弟子何僧是緇衣多往還

壽昌道中

清遊從此始過處必須看背日山梅瘦隨潮海鴨寒平
途迷望濶峻嶺疾行難聽得居人說今年冬又殘

壽昌道中

徐照人

碣字芙蓉驛喜行行不難路侵滄海過人得異山看圓
石蠟黏滿平途鷺立寒一遊期一月回日必冬殘

雁山

左 緯 黃巖人

亂山無限好幽徑有時迷石骨秋偏瘦松梢老却低天寒聞雁過月白見鳥棲海上知名地無人識馬蹄

雁山總題二首

戴復古 黃巖人

此地古無聞誰封萬石君山林纔整整來往早紛紛雨
派龍湫水千峰雁蕩雲東西十八寺紀載欠碑文
幾山兼幾水更有幾烟霞不立仙人宅都為釋氏家
賓秋多少雁報曉一雙鴉有此山林勝如何在海涯

靈巖靈峰

駭見二靈境山林體勢豪插空天柱壯障日石屏高覽
勝苦不足登危可憚勞白雲飛動處絕壁走猿猱

芙蓉山

林景熙 平陽人

驛路入芙蓉秋高見早鴻蕩雲飛作雨海日射成虹一
水通龍穴諸峰盡佛宮如何靈運屐不到此山中

遊雁山僧寺

薛 嵎 永嘉人

野服掛僧單禪扉月未關桂香清近佛秋色老依山木
落遙峰出溪迴流水閒相傳登蕩路數處可躋攀

同徐仲禮劉芳在雁山作

元 李孝光 樂清人

北雁山前路扶藜上紫冥山空猿自語雲煖鶴初醒詩
妙驚天老琴靈畏瀑腥夜分蕭寺榻南斗下文星

遊雁蕩

明林廷選長樂人

十里烟霞路登臨一爽然飛流還作雨高柱欲擎天屏
障瓊英綴旌旗翠葆連誰哉鑿混沌神巧費雕鐫

雁山酬謝邦脩

章元梅

謝子一相見登山意若何心將流水遠興逐白雲多絕
壁斷青靄長松懸翠蘿更須拋俗事相與聽樵歌

雁山次日

朱諫

雁山環百里勝處少人知碧樹搖丹壑青霞覆紫芝偶
來千佛地休和四靈詩信宿心猶欠留連及午炊

雁山

山頂是僧家溪邊一徑斜遊人思舊雨春色在殘花嶺
路雲間出禪堂樹半遮宿醒俱未解隔壁喚燒茶

同朱雲巖登雁山

趙廷松

劫外應無地空中別有天凝雲山似黛過雨瀑如烟酌
酒酬清澗歌詩慰謫仙平生媚幽僻三醉翠微巔

雁山

陳壺中永嘉人

山川秘靈跡海近氣常陰尊者何年在樵人此路深雲
龍歸絕頂花鳥識禪心十八前朝寺哀猿空夜吟

卧雲上人過山池別之雁宕

曹學佺 侯官人

近日懶出戶高僧會亦稀林間飛錫到陂上放船歸雁
宕尋樵徑龍湫濺衲衣詎那禪定裡誰不願皈依

入雁山

項守祖 永嘉人

海上無雙地寰中第一山龍宮高在望鷲嶺峻能攀路
轉巖亭仄橋迴澗水灣囂喧從此隔一笑解塵顏

入淨名寺舊址尋仙人橋王子晉吹簫處路斷不

可得

野徑偏迢遞空山久寂寥此中無佛宇何處有仙橋色
相凋金座音微杳玉簫殷勤尋往蹟感慨憶前朝

贈金陵僧瑞峯住雁山二首

劉社 永嘉人

老衲恒探勝靈區獨往還更從鮫室地最愛鳥各山重
壑禪關靜飛流水觀閒因看殿塵趣清夢繞煙鬟

安禪宜次寥秋至更蕭蕭雁白千山月楓丹重霧朝峰
看玉女麗嶂擁錦屏遙此處觀空色前塵一宿迢

巳丑再遊雁山

國朝 林文朗 樂清人

覽勝難常繼，搘筇用疾趨。入湫先看瀑，躡頂次尋湖。三宿猶嫌速，單行不害孤。此來山路熟，無待問樵夫。

淨名寺蔬飯

阮元儀徵人

石色嶮猶變，溪聲步步斜。樓欄圍野屋，杉竹隱疎花。入寺聽詩板，穿林劇笋芽。餼盂香稻飯，匙上有雲霞。

七言律詩

遊寶冠凌雲二寺

宋薛嵎永嘉人

夜鐘寥閤遠，相聞古佛青山。自結鄰片石，掛雲平可渡。兩峰侵漢止，如人雲歸蕩。頂無多路，僧住巖花老。此身

為憶龍湫重回首，來看瀑布獨逡巡。

約遊雁山

趙抃西安人

白語趨拜力，維艱柯嶺歸。來遠帝寰抱，甕不能師老圃。驅車獨足訪名山，魚書入手殷勤後。雁字排空香靄間，多謝主人期我意。謝公遺跡願追攀。

遊雁蕩將抵温州寄太守石牧之

霜風雙髻雪，鬢髮物外尋。真頓離凡子，舍若非叨別乘。我車安得到靈巖，碧窺秋瀑心同洗。紅嚼山杷口似饒，多謝賢侯見招意。數貽嘉咏與珍函。

答樂清尹周郊寄雁山圖

蘇軾 眉山

指點先憑採藥翁丹青化出大槐宮
眼明小閣浮烟翠齒冷新詩嚼雪風
二華行觀雄陝右九仙今已壓京東
此生的有華山分已覺温台落手中

西湖三載與君同馬入塵埃鶴入籠
東海獨來看出日石橋先去踏長虹
遙知別後添華髮時向尊前說病翁
所恨蜀山君未見他年攜手醉郛筒

迎趙清獻公遊雁山

石景立 人

雁宕天台路險艱多應特地隔塵寰
不辭登陟來千里

為是東南第一山爭望台星從海上方知蓬島在人間
武林二老圖中見重惜官師遠莫攀

送劉芳叔季文仲遊雁山

王十朋

二客騷腸不耐秋飄然蠟屐去尋幽蕩中若要窮青眼
巖下先須問白頭詩社不容添異姓名山應得遇清流
會須乘興天台去澗水桃花訪舊遊 原注季有詩云醉鄉須待我詩社莫

示五峰僧

趙師秀 永嘉

峰形如掌自迴環頭白山僧引客看積葉堆來泥路滑

斜陽移去石橋寒近聞瀑布尋還遠易得菖蒲採更難
分有一峰於此住與師相聚願辭官

雁山

趙汝回 永嘉人

木葉新時雨亦晴山中少住不妨程
僧喜巖幽每促行草蕩春深無雁到
石屏一帶三千丈可惜題詩又不成

寄雁宕詩僧

薛師石 永嘉人

雁蕩峰前夜雨晴空房不任有蟬聲
一身閒後髮難白
五字吟來思極清少見出山多入定
還於夏末起秋程

何如更待黃花節顧我來遊計已成

送果上人遊雁山

元鄭采 平陽人

雪消山色漲東州最好天台雁蕩遊
背負青天緣鳥道
面承風雨看龍湫深春林麓多金
刹落日江湖白白頭
石上玉芝應拾得念吾無物可銷愁

雁蕩次韻

李孝光

竹杖屨鞋去去賒一春紅到杜鵑花
山椒雨暗蛇如樹
石屋春深燕作家父老行尋靈運屐
道人喚喚趙州茶
明朝塵土芙蓉路猶憶山僧飯一麻

次國性庵韻送之雁山

銅杖彭鏗響白雲山之南北水之瀕元猿白鶴窺行客
紫氣青霓下應真藥老雲根幾萬本山開石髓又千春
却還有客來相訪已與先生隔一塵

和遊雁山二首

北雁山中路詰曲夕陽木杪見人家筍輿穿樹驚霜葉
桐杖敲雲損土花白雁秋高還蕩頂流螢月黑出簷牙
怱怱但得皮膚耳出外逢人莫浪誇

峽中鐘磬十八寺山腹茅茨三兩家雨後亂溪青似髮
霜前病葉赤於花懸崖萬仞塗腥血怪石千株錯犬牙
緊絳芒鞋行一月出山慎勿向人誇

遊雁蕩山

興國年間路始開前朝碑墨半蒼苔雁橫蕩月知秋到
僧踏湫雲看瀑來一嶺未教靈運識萬松誰道了翁栽
此行曾共秋風約說與山猿不用猜

和陳輔賢見寄雁山韻

龍湫瀑布玉千尋竹杖芒鞋去去深雨暗葑湖知雁下
雲殘楓樹有猿吟松篁禽鳥皆真性樓觀鐘魚自好音

越角吳根行已到錦襜不觸道人心

雁山紀行

明 廖希顏 茶陵人

驚濤初卸海門舟覽勝還尋上界遊
秋老白雲迷雁蕩霜深紅葉暗龍湫
諸天路繞三千部雙劍芒寒七十州
帳望仙橋人鮮過西風黃鵠兩悠悠

過雁山宿僧舍

章 綸

來往經過雁蕩山招提遊宿在雲間
月明風籟令心省天闕星辰著手攀
梵語談禪濤洗耳詩聲和酒最怡顏
古來竹院逢僧好今我還偷半日閒

送惠濛上人歸雁山

面壁多年住雁山飛空一錫到龍灣
石頭來處何曾滑松頂摩時却又還
世界十方竿百丈雲霞一塢屋三間
也知執意堅貞好清淨家風只自閑

遊雁山

謝 省 黃巖人

翠巖重重一徑通奇峰怪石鬱龍從
梵宮聳碧依銀漢瀑布飛寒下遠空
秋入蕩陰迷落雁雲連鼻水起蟠
停車不盡登臨興還擬重來訪遠公

過雁山

蔡 潮 黃巖人

廣雁山詩 卷二十一
天設奇觀隔世氛盛名信是不虛聞寒生六月龍湫雪
暝合千峰雁宕雲住笏我能輕好爵揮戈誰與駐斜曛
武林衡嶽相知舊雅愛從今爲爾分

望雁山

章元梅

雁山高與海天接海雁南飛古蕩秋雁飛一夜渡海去
雁蕩之峰何邃幽四十九折盤鳥道三千餘尺飛龍湫
芙蓉面面削寒玉長使騷人舉目愁

雁山次韻

漫說乘槎海上浮尋幽須及雁山秋竹深鶴共秋池靜

松暝僧分午院幽裊裊孤雲生斷石蕭蕭落木墮寒流
老來筋骨粗強健徧歷諸天到上頭

登雁北最高峰

羣公暇日共載酒野客悲秋來賦詩烟煖翠壺深注玉
漿寒碧椀凍澆薨雲中迷望峰千朵天際牽愁江一絲
飲罷狂歌下山去山頭明月有誰知

陪萬提學至雁山

朱諫

雁山山下惠風和野老追隨使節過海氣盡消波色定
林花半落鳥聲多村烟漠漠春將別世路紛紛髮易皤

借取僧房同一宿夜涼明月下庭柯

天台葛主簿過雁山

獨支雙屐謝公勞白鶴相隨過九臯瀑布倒吹風力健
石屏橫倚日輪高鐘聲隱隱來修竹霞氣霏霏轉碧桃
欲向天台問劉阮洞門流水可容舸

和陳北軒韻

雁湖流水出江門老眼看山未盡昏秋意蕭疎動雲影
古碑剝落見苔痕紺園客去風烟在精舍經殘草木存
截取一枝方竹杖醉來時共老僧捫

春日在雁山寄王月崖

雁蕩山中三月時採茶歌裏一吟詩紅塵脫却尋真樂
白髮生來少故知燒筍每同僧共嚼洞簫高倚佛前吹
先生不帶登山屐我有名山更對誰

約遊雁山至柏山而返

周夔

黃巖人

野色蒼蒼曉未分荒村落葉正紛紛塵纓擬濯龍秋水
詩興空馳雁蕩雲籬落疎梅行處有霜空斷雁到來聞
不知向晚何歸宿驢背枯吟已夕曛

遊雁山三首

余應舉

南昌人

縈迴磴道俯千盤雁蕩秋風立馬看今古河山成混合
東南虎豹此雄蟠長松日映龍鱗起靈瀑晴飛玉乳寒
欲問蟾蜍無指顧金光瑤草路漫漫

揚旌伐鼓怯斜暉路轉峰迴翠作圍天削玉蓮僧慣數
地盤金鼎鳥孤飛貪遊露滴巖頭蓋跌坐雲霑石面衣
不用遠公來說法休殫應解息塵機

凌晨蠟屐陟崔嵬向夕攀蘿去未回天柱赤霄擎日月
龍湫白晝吼風雷空門茗盞當猿嘯老衲袈裟候客來
華髮自憐山水癖驅車明發更天台

雁山

侯廷誠 樂清人

人道山行秋獨宜我來正好雁歸時雲埋絕壑半如失
峰接晴空久欲疑好鳥迎人初出谷飛泉作雨故催詩
山僧却有臨行囑莫向人言路有岐

雁山午眺次古韻

朱文簡 樂清人

獨上高山逸興飛幾村茅屋午烟微崖前晴瀑半空下
雲外漁舟何處歸赤手我能摩碧落醉歌誰共倚斜暉
蓬萊咫尺合飛去願藉天風吹我衣

雁山

章九思 元應子

雁蕩山中百二峰青回面面削芙蓉迎眸不盡烟嵐趣
入望何當紫翠重湫水晴空飛雨雪松濤風冷撼虬龍
一時未極登臨興奇秀猶將夢裡逢

次韻酬蕩南先生遊雁山

方軒人

繫絆芒鞋入舊山青蓮簇簇彩雲間相從麋鹿林中伴
謝却鴛鴦天上班老去閒情隨處得秋來詩句未容慳
就中已與紅塵隔安用神丹煉大還

咏雁山

高賓人
江陰

試將山水論奇絕雁宕應爲天下宗橫跨海門三百里

直蟠鼇背五千峰青崖丹壑飛靈鳥紫草元雲秘石淙
日暮猶緣藤起處強登絕巖兩三重

上劉提學遊雁山

張孚敬人
永嘉

海內衣冠集雁山草茅無路得追攀山中定掃豺狼道
天下誰當虎豹關玉輦奚從瞻樂地金樽未許破愁顏
江湖廊廟心相似莫道漁樵盡日閒

雁山呈諸同遊

黃綰

五年不踏雁山烟此日登臨飛鳥邊洞府何年藏石髓
天池一夜長青蓮誅茅準擬開三徑拄杖寧辭掛百錢

去去未緣山水癖與君同種紫芝田

秋日陪諸公遊雁山

朱守宣 樂清人

雁宕山前候雁飛涼風天畔灑秋衣雲中挾客尋詩去
谷口逢僧步月歸萬里滄江蟠大地千峰黃葉下斜暉
遐觀漫有登臨興何處樵歌度翠微

雁山次韻

鮑德輝 樂清人

笑解塵纓濯碧潭似聞遙唱望江南雲橫絕巖迷仙穴
瀑瀉懸崖濺佛龕宕雁已歸風落木湫龍欲起雨隨驟
此生擬有探幽分曾與山靈約再三

遊雁山一首

王曉 人

躋攀極目盡烟嵐白墮深傾暫駐驟泉瀉龍湫飛雨雪
天開雁宕壯東南朝川圖絕仍非擬靈運遊多尚未探
遍歷封疆吾所事瑰奇况復性偏耽
雁山深入轉嵯峨却向芙蓉問詎那神瀆遠從千澗落
籃輿忽傍五雲過秋深丹葉濃於染天際青峰銳似戈
竹院逢僧話未得宦遊久矣負維摩

用韻答族叔夢湖贈遊雁山

陳瑤 樂清人

龍湫飛瀑五雲齊雁蕩捫蘿信可躋幽興忽從塵外發

靈區寧向望中迷
籃輿路入芙蓉北
澗道流來筋竹西
回首阮林雲浦隔
無由策杖共賡題

出山

侯一元

朝尋芳草入名山
明月千峰夜不關
紅樹板扉仙犬護
碧天笙鶴羽人還
石函寶字誰能讀
洞口漁舟許更攀
數里回峰看不見
不知身已到人間

雁宕

皇甫汈 長洲人

千山行入雁山中
猶道仙源路未通
鐘落風濤知近海
衣生雲霧若凌空
竒峰指點憑僧話
幽壑攀躋只鳥同

別向龍湫訪飛瀑
一林晴雨石梁穹

登雁山

薛應旂 武進人

海上山多此獨名
登臨真若在蓬瀛
龍湫雙瀑穿雲舞
鳥道千松應谷鳴
隱見岡巒棲虎豹
傾欹湍激躍鯤鯨
幽竒自是天珍秘
靈運不來何重輕

宿雁山禪院

逢着禪牀且便休
空林獨夜景偏幽
月明松影窓前落
客臥泉聲枕上流
槐國升沈俱是夢
塞翁失得已無憂
塵緣未斷猶奔走
默對山靈一點頭

雨後同朱靈谷入雁山

王叔果 永嘉人

幾年寤寐雁山遊此日登臨值素秋有客共飛蒼玉鳥
題詩遙寄紫霞樓靈湫帶雨添奇勝峭壁連雲轉邃幽
應接滿前真不暇卜棲舍此更何求

遊雁蕩

趙寬 吳江人

誤入清都衆妙門居然別是一乾坤移來西極崑崙圖
拔起東維天地根迷路每從樵叟問會心難與世人言
夕陽疑有羣仙過千隊翔鸞萬寶幡

袁黃巖寄雁蕩圖及新詩頗懷壯遊之感

王世貞 太倉人

高枕柴門掩綠苔素書今為故人開如分雁蕩羣青過
忽挾龍湫萬玉來康樂恨長垂試展河陽詩好任登臺
君家夏甫終難慕雙足何曾限八垓

入雁山

顧璘 吳縣人

春歸幽谷見桃花問訊安期海上家石壁虛無逼雁蕩
星河漂轉坐龍槎林香定有千年藥雲氣皆成五色霞
且訪名山消俗慮未論勾漏隱丹砂

長至宿雁山

鄭善夫

不應六瑄混窮愁歲晚空門雲水幽滄海客心餘夢寐
錦溪春色背林邱山寒夜宿龍湫雨日至天回雁蕩秋
何處疎鐘喚深省此時黃屋拜宸旒

登雁山最高處二首

張文熙 嶺右人

攬轡東遊亦壯哉乘風漫躡此崔嵬天開雁蕩千峰出
雲擁滄溟一鏡迴乳結懸巖凝若雪瀑飛峭壁響成雷
憑欄何限蒼茫思搔首乾坤試舉杯
捫蘿徙倚最高峰矯首雲霄似可從東指扶桑縈若木
西瞻葱嶺削芙蓉洞中仙去還來鶴巖下雷鳴欲起龍

寥廓恰期湖海願便將五嶽徧靈筓

遊雁山

李思誠 南直人

百磴雲烟列嶂開寒帷紫翠撲輿來有峰拔地虛擎日
是水從空怒瀉雷雁影春深疎草木鹿羣日夕下莓苔
探竒眺盡仙靈窟俯首東觀海似杯

雁宕大觀師有興復古刹之志

黃國信 永嘉人

幾度龍湫謁詎那逢師今日雁山阿勝緣已作千年計
大願休教萬劫磨箇裡機關知者少此中雲物悟時多
他年結就維摩室應許愚生問偈過

出雁山

邵倬 永嘉人

磴道縈迴七七盤雁山回首失林巒賞心常在龍湫下
逸興猶棲天柱端筋竹峻嶒雲裡度能仁岑寂雨中看
獨憐此去烟霞隔夢寐名區入望難

將入雁山雨中即事

王光美 永嘉人

寒飈衰柳度江城客路衝泥列騎行海抹嵐光天外合
林含楓色雨中明花村漸覺秋容暮風磴時聞落葉聲
不辨龍窠雲裡影幾逢樵父問山名

經華嚴廢寺入大龍湫

項守祖 永嘉人

近地猶存古剎蹤崎嶇蹊徑度疎松秋深古蕩見歸雁
嶺隔靈湫尋卧龍淨宇未陳何處榻高岑先過此時筇
日斜鳥雀爭棲宿暮色蒼蒼映遠峰

秋日遊雁蕩山 二首

彭夢祖 全椒人

石門雙峙訝崔嵬百一芙蓉面面開谷口靈峰如湧出
洞前羅漢果飛來人尋鳥道青蓮宇水落龍湫白日雷
海內名山誰似此平生幽賞最奇哉

南戒峰高高插天石門秋色正蒼然香爐寶篆空中現
龍鼻瓊漿洞裡懸古木吹風疑虎過野花連屋有僧眠

雁湖只在連霄上父老猶傳沉塔年

同張澹如憲副遊雁山

張延登山左人

雁宕名峰擅浙東筍輿竟月未能窮一簾珠玉懸蒼壁
萬仞芙蓉削碧空鬼斧神斤恣詭態雕雲鑿月總天工
同遊况有同懷客何用臨風羨謝公

雁山秋興八首

錄四

釋鏡

白雲深鎖數峰幽時至山容亦獻秋隻眼邈看天地窄
半肩徒負古今愁漫尋雲石仙人洞且坐烟林玉井湫
仰矚維摩最高處空空本是淨名修

躡屩名山問惠休上方暝合碧雲浮千峰倒插芙蓉晚
一瀑寒分薜荔秋觸景往來長自在隨緣生滅了無憂
尊前請問西來意不出天龍一指頭

山深葉脫紙衾寒爲問南明說法壇日月摩空金作界
河山分隸玉爲盤孤蜍色解譚經轉萬象昭回卓錫湍
元對忽然開道眼山巖梁阜可盤桓

幻軀天地任沉浮破衲行藏得自由白帝玉繩寒不斷
仙人金掌淨堪收巖身一律知無相隨口孤吟作記遊
不戀長暉媚霞藻喜同蕭瑟共悠悠

遊雁山紀勝

王應鍾 永嘉人

雁山絕勝標南服翠壁蒼苔自古今
谷日晒花春獨媚洞雲含雨晝長陰
地偏疑有秦人避境寂應多羽客尋
雙樹鳴鐘千嶂夕向來不覺入山深

遊雁山

王臣 南昌人

東南此景真天造杖履躋攀日已斜
絕壁龍湫能作雨半空石障自凝霞
靈巖虛靜鳴泉溜天柱孤高掛月華
了却吾儒經濟事石田茅屋可移家

遊雁山

楊天盛 人

六載儒官吏事閒轉尋仙跡入名山
高臺縹緲風塵外古鼎虛無指顧間
峰擁官蓮花不老洞開丹戶路難攀
雙鸞未解吹簫意引得遊人雜往還

遊雁蕩山

羅汝元 人

憑高遙寄古人情一縷山光萬態橫
挾雨松濤青到海浮空霞氣赤圍城
湫龍洗甲潭文漾宕雁排雲墨彩盈
醴泛巖花飛玉屑閒從石上悟三生

遊雁山

周鳴謙 人

翠壁丹梯倚五城秋風吹客不知程
雲開古蕩千峰淨

雁蕩山詩 卷二十一
雨過靈湫萬壑鳴彩筆欲將霞色染寶珠應向夜來明
含情今古還搔首處處經壇綠桂生

遊雁蕩

國朝 王國泰 遼東人

五年憶踏龍湫地今日方知雁蕩幽自入山林尋舊跡
却疑身世出塵遊眼前紫翠觀無盡杖後烟霞探未休
不識何時重過此謾將巖壑徧題留

雁蕩山用東坡韻

劉廷璣 人

我亦偷閒學醉翁周環十八梵王宮龍行疾帶潭中水
虎嘯寒生洞口風自昔地名花大小只今山看鳥西東

謝公空有搜竒癖鬼斧神工失此中

自靈巖至靈峰

香風滿袖往來輕路轉溪迴入化城峰過眼看皆肖物
花隨手折不知名懸篠樹杪窺人意跌衲山坳絕世情
遍踏芒鞋忘力倦灑然身在畫圖行

遊雁山三首

嵇宗孟 淮安人

千里雲山誰見招裹糧空谷問芻蕘兩峰逼側疑無路
細石槎梯漫有橋到此鴻濛初露象看來大陸忽生潮
移情一往皆真境不必攜琴聽沈寥

山外看山山等夷入山始覺眾山卑水飛絕頂舞絲細
石厭常峰露骨竒孫綽天台空有賦杜陵西嶽後無詩
偶來盤礴恣元覽春雨春風四面吹

真人驅石渡江東天柱峻嶒氣象雄遂有蛟龍巢洞底
轉教雷雨起山中扶桑日照黃金市緱嶺笙吹白鶴宮
慙愧終南真捷徑海天漠漠思何窮

遊雁山

平立鑑山陰人

平生足跡半天下此地相思二十年一派飛泉珠錯落
四圍遠岫玉雕鑿藏雲古洞堪逃世矗地竒峰欲上天

每到一山頻叫絕幾凡骨已登仙

遊雁山畢航海而歸寄芙蓉村主人訂重遊之約

張元彪永嘉人

芙蓉村路踏春烟又上雲濤汎海船雙屐昨驚山拔地
一帆今見水黏天莫辭猿鶴山靈怨轉結魚龍海若緣
寄語主人休悵望秋風消息雁聲邊

讀六洲雁山誌

陳之恕永嘉人

寢食名山數十秋搜竒不憚化工愁千層面目誰能關
一卷烟霞子獨收淡泊業堪垂石室逍遙興豈減浮邱

潛夫品格知何似百二高峰最上頭

昭明禪寺碑

程浩 永嘉人

雁山古跡向誰詢賴有沉碑字未湮唐宋高僧皆後輩
蕭梁佞佛證前因劫灰不覺經千載片石應教傲五珍
欲附筆談談不得一重公案又翻新

寄雁蕩

阮元 儀徵人

我聞雁蕩波連頃卻在最高峰上頭雲裏龍鱗接煙水
泥中鴻爪識春秋欲落危磴千層去難向深山一日留
果有經行古會著樹詩應使逆波流

出山宿大荆營

城旌遙見大荆營麥隴茶田取次平
斤竹澗邊新驛路石門潭下小方城
沙邊細石籃輿穩渡口迴風畫角清
今日郵籤促塵鞅何時重與細經行

重遊雁山四首

李燮 晉樂人

白雲如練海如杯曲磴千盤列嶂開
三載光陰真一瞬五年觀察又重來
山靈見面渾相識禽鳥逢人不了猜
可惜塵蹤尚羈絆未能咫尺躡天台

會揮不律紀前游縷縷煙霞一掌收
山到二靈難着筆

暑當六月欲披裘奇峰竟與雲華幻怪石驚看筍亂抽
願借龍湫千尺水遍施霖雨潤田疇時方憂旱故云
鐵城嶂與翠微連峭碧中分一線天尊者已觀飛瀑化
老僧猶抱野雲眠洞中鍾乳千年滴石上堯英五色鮮
只爲雁湖仍未到何時遂此看山緣
依舊嵐光不斷青石牀丹竈昔曾經便須少住朋猿鶴
何用勞生辨渭涇拔地峰多蓮葉巽間年我已髮星星
響巖東去神仙宅別久雙眸一再停


淨名寺讀李石農師雁蕩紀游詩蓋師手錄付雲

公者吟以志感因贈雲公

陳舜咨永嘉人

無端宦海大波翻萬里重歸舊跡存紫塞幾勞人遠夢
青山不厭我驚魂詩篇清勁涵霜氣墨瀋淋漓漬淚痕
好語上人須護惜當將玉帶鎮山門

茅簣獨自踏蒼烟百二峰巒似舊妍好句伊人真謝眺
後堂如我漫彭宣名山到眼輕三島往事傷心越八年
虎嘯猿吟崑崙複九閣誰敢叫穹天



原加藤山景

卷二

三

